


陝西通志



第七十二卷

古蹟一

宮闕

壇廟


DS
793
S4555
1735
v.72

陝西通志第七十二卷

古蹟一 宮闕

漢唐遺蹟賁飾西都南山倚關渭水穿渠離宮別館複道縈紆長
揚墨縷上材筆鋪六爻三內戚里名區荒亭古戍斷碣遺墟溯洄
千古陳迹云徂考諸呂繪以補黃圖作古蹟志第二十七

謹案秦中地居上游神聖之迹托焉帝王之都在焉攷古者博
揆廣採豈僅欲掇拾舊聞跨多而逞靡哉誠以立乎今日以溯
千載如睹其人如生其世沿迹以求亦理亂得失之林也是故
首宮闕宸居也次府第王侯將相朝紳野逸所寄處也次園林
其游覽所在也次郊垌則凡故址遺蹟罔不收也列以圖繪閱
之可當卧遊綴以遺聞覽之如披外史若夫故城廢縣有關於
建置奇觀勝槩有係于山川以各有其類槩不錄焉



歷代建都圖



建周


湮水

滋水

壘水

杜國


沆水





都圖



秦建都圖







漢建都圖

左納漕渠絕瀾

水涇

東渭橋

廣成鄉

廣明施

奉明縣

瀾水

漕水

漕水渠

宜春山下

長門園

樂游原

涇州

長水

沈水


漕河合口

樂川


渭水

御宿川官






隋建都圖



唐建


中




都




周王宮圖







秦宮殿圖




六國宮室



漢未央長




樂宮殿圖



漢建章宮圖

陝西通志

卷之二十一



懷道

建章宮

鳳闕

別鳳闕

龍光閣

圓

門

雲龍閣

諸松


天梁宮


建章宮

安祿





隋大興宮圖







唐西內圖






唐東內圖





唐南內圖



東內聖仙門

門北芳

夾城

春明門

金花塔

金花門

門雲仙

初陽門

南薰殿


興慶殿

華清宮圖

陽邑近志

卷之十三

七





宮闕

合宮

在淳化縣北五十里甘泉山

賈志

黃帝治萬國朝諸侯乃作合

宮兼明庭布政於甘泉

漢書地理志

黃帝接萬靈明庭明庭者甘泉也

史記封禪書

岐陽宮

故基在岐山縣東北五十里即周太王田邠遷岐所建今

宮廢而土人猶稱之

雍勝畧○按馬志賈志有岐陽城蓋即此而異名也

臯門

在岐陽城內周太王所立

馬志

乃立臯門臯門有仇

詩經大雅

應門

在臯門內亦周太王立

馬志

乃立應門應門將將

詩經大雅

豐宮

在鄠縣東五里小豐村

賈志

既伐于崇作邑于豐

詩經大雅

正義曰

周文王宮也在雍州鄠縣

史記周本紀注

豐在始平鄠縣東有

臺康王於是朝諸侯左傳杜注文王都豐在鄠縣史記曰文王伐崇侯

虎而作豐邑伐崇之後自岐遷都於豐故豐水之西有豐宮也武

王改邑於鎬豐宮元不移徙每遇大事皆步自宗周而往以其事

告於豐廟雍錄

周

鎬京 在長安縣西南三十里豐水東雍勝略考卜維王宅是鎬京維

龜正之武王成之詩經大雅武王自豐水居鎬諸侯宗之是為宗周今

豐水之東長安之南三十里去豐二十五里鎬池即其故都也帝王

世紀自漢帝穿昆明池于是地基構淪褫水經注今無可究諸家皆言自

漢帝穿昆明池後鎬京故基淪入於池無復可考獨梁載言十道

志曰鎬池一名元趾在昆明池北雍錄

城門 匠人營國方九里旁三門周禮考工記天子十二門通十二子

考工記注案匠人云營國九里旁三門四面各三門是有十二門鄭註

云十二門以通十二子則十二辰也地官疏

王宮 宮伯掌王宮之士庶子凡在版者掌其政令行其秩敘作其

徒役之事授八次八舍之職事周禮天官衛王宮者必居四角四中於

徽候便也鄭司農云庶子衛王宮在內為次在外為舍元謂次其

宿衛所在舍其休沐之處天官注王宮門阿之制五雉宮隅之制七

雉考工記王宮門阿之制五雉謂高五丈宮隅之制七雉亦謂高七

丈不言宮牆宮牆亦高七丈也考工記注天子之禮至尊無上其居處

則內有六寢六宮外有三朝五門朱子文集

臯門 鄭司農云王有五門外曰臯門周禮注建臯鼓詢事饗訟朝

士掌之三才圖會

外朝 朝士掌建邦外朝之法左九棘孤卿大夫位焉羣士在其

後右九棘公侯伯子男位焉羣吏在其後面三槐三公位焉州長

衆庶在其後左嘉石平罷民焉右肺石達窮民焉周禮臬門之內

外朝也朱子文集

庫門天子五門庫門在雉門外周禮天官疏庫門寶藏之所三才圖會

王府王府掌王之金玉玩好兵器凡良貨賄之藏周禮天官

內府內府掌受九貢九賦九功之貨賄良兵良器以待邦之大

用周禮天官金玉曰貨物之善者藏之於內府近王掌之以給王用故

也天官疏

宗廟小宗伯之職掌建國之神位右社稷左宗廟周禮春官庫門內

雉門外之左右春官註宮南鄉而廟居左則廟在寢東也朱子全集

天府天府掌祖廟之守藏與其禁令九國之玉鎮大寶器藏焉

周禮春官

社稷

何休云質家右宗廟尚親親文家右社稷尚尊尊若然周

人右社稷者地道尊右故社稷在右是尚尊尊之意社稷為尊故

鄭註郊特牲云國中神莫大於社

周禮春官注

雉門

閭人掌守王宮之中門之禁

周禮天官

中門於外內為中若今

宮闕門雉門三門也春秋傳雉門災及兩觀

天官註

魯有三門雉門

有兩觀為中門則知天子五門雉門亦為中門有兩觀矣

天官疏

應門

鄭司農云王五門四曰應門

周禮註

應門建應鼓又曰朝門

三才圖會

治朝

宰夫之職掌治朝之法以正王及三公六卿大夫羣吏之

位掌其禁令

周禮天官

治朝在路門之外司士掌焉宰夫察其不如儀

天官注

路門

鄭司農云王五門五曰路門路門一曰畢門

周禮天官註

路門

者路大也人君所居皆曰路以大為名畢門者從外而入路門為

終畢天官疏虎門路寢門也王日視朝於路寢門外畫虎焉地官路

門建路鼓又曰虎門畢門大寢門三才圖會

燕朝路門之內燕朝也大儀正其位掌擯相族人朝焉朱子文集君

日出視朝退適路寢聽政禮記玉藻周時德澤和洽蒿茂大以為宮柱

名曰蒿宮此天子之路寢也大戴禮

六寢宮人掌王之六寢之修周禮天官路寢一小寢五天官註天子六

寢而六宮在後六宮在前所以承施內外之政也禮記昏義註王大寢

一小寢五大寢聽政故嚮明而治在前小寢釋服燕息也在後其

小寢一寢在中四寢在於四角春居東北夏居東南秋居西南冬

居西北土王之月居中朱子文集

六宮內宰以陰禮教六宮周禮天官鄭司農云六宮後五前一婦人

稱寢曰宮后象王立六宮而居之亦正寢一燕寢五周禮

按元和志云周武王宮即鎬京似即以鎬京為武王宮矣夫鎬京乃其建都之地當日必於其地立王宮為出政治之所元和志即以鎬京為武王宮固有未審而馬馮賈三志皆於王宮闕而不敘竊有未安故茲特採摭周禮諸書詳著之亦欲觀一代政治所由出也

明堂 周人明堂度九尺之筵東西九筵南北七筵堂崇一筵五室

凡室二筵周禮考工記昔者周公朝諸侯於明堂之位天子負斧依南

鄉而立禮記明堂位斧依為斧文屏風於戶牖之間者皇氏云在明堂

中央太室戶牖間明堂位疏講學大夫淳于登說明堂在國之陽丙巳

之地三里之外七里之內周公祀文王於明堂以配上帝五帝之

精大微之庭中有五帝座星玉藻疏明堂所以正四時出教化天子

布政之宮也先儒舊說其制不同大戴禮云明堂九室一室有四

戶八牖凡三十六戶七十二牖以茅蓋屋上圓下方援神契曰明

堂上圓下方八窗四闥考工記云明堂五室稱九室者取象陽數也八牖者陰數也取象八風三十六戶牖取六甲之文六六三十

六也上圓象天下方法地八窗即八牖也四闥者象四時四方也

五室者象五行也皆無明文先儒以意釋之耳

三輔黃圖

祗宮

穆天子傳云吉日丁酉天子入於南鄭郭璞注云今京兆鄭

縣也紀年穆王元年築祗宮於南鄭傳所謂王以是獲沒於祗宮

者

華州志

昭宮春宮范宮

三宮俱穆王時作見竹書紀年

平陽封宮

在郇縣故平陽城內郊祀志雍大兩壇平陽宮垣史記

武公元年伐彭戲氏至於華山下居平陽封宮雍錄云在華山下

蓋因史記至於華山之文而誤也

賈志

羽陽宮

在寶鷄縣陳倉故城內馬志秦武公作羽陽宮在寶鷄縣界

歲久不可究知其處元祐六年正月直縣門之東百步居民權氏

濬池得古銅瓦面上隱起四字曰羽陽千歲篆字隨勢為之不取

方正始知為羽陽舊址也其地北負高原南臨渭水前對羣峰形

勢雄壯真勝地也渾水燕談錄

大鄭宮

鳳翔縣南七里有古雍城秦德公所居大鄭宮城也左傳

德公元年初居雍城大鄭宮

史記秦本紀

高泉宮

在扶風縣東美陽故城

雍勝畧

秦宣太后起

長安志

號宮

秦宣太后起在岐州號縣界

三輔黃圖

械陽宮

在扶風縣東北三十里秦穆公建遺址尚存

雍勝畧○長安志謂械陽

宮為秦昭王起與此異

祈年宮

即秦宮

在鳳翔府城內東南隅

馬志

酈道元注水經曰雍縣中

與牢

井秦惠公故居所謂祈年宮也孝公又謂之橐泉宮据鄠此

言則是惠公所都雍縣有祈年至孝公命為橐泉名雖兩出其實

一宮也又推鄠此言則是祈年橐泉皆在惠公雍都亦不知何人

所建獨漢書曰祈年宮惠公所起黃圖祈為斬且曰穆公所造廟

記曰宮在城外而始皇本紀則曰在雍皆以世遠難究其的也雍錄

後人又於此建祈年觀雍勝畧

冀闕

在咸陽城中

馬志

秦孝公作咸陽築冀闕徙都之

史記秦本紀

黃陽宮

秦文王所起在鄠縣西南二十三里

三輔黃圖

師古曰倍陽即

黃陽也其音同耳宮名在鄠縣

漢書東方朔傳注

芷陽宮

在灊上秦襄王起

馬志

咸陽城

在今咸陽縣東二十里

雍勝畧

自秦孝公至始皇帝胡亥並

都此城案孝公十二年作咸陽築冀闕徙都之始皇徙天下高貴
富豪於咸陽十二萬戶引渭水灌都以象天漢橫橋南渡以法牽
牛咸陽北至九峻甘泉南至鄠杜東至河西至汧渭之交東西八
百里南北四百里離宮別館相望睽屬木衣綈綉土被朱紫宮人
不移樂不改懸窮年忘歸猶不能徧三輔黃圖秦之咸陽孝公所都也
在漢長安西北角故漢書紀高帝項羽自霸上而入秦都皆曰西
上咸陽也惟元和志則曰正東微南是爲雍州則東多南少也志
蓋審言其詳也古語山南水北曰陽秦之所都若槩舉其凡則在
九峻諸山之南渭水之北名爲咸陽其不爽矣若細細推求則秦
之朝宮苑殿固在渭北而秦都實跨渭水史記三輔黃圖元和志
皆曰始皇都咸陽引渭水灌都以象天漢橫橋南渡以法牽牛此
既可見渭之魚在都南矣而猶謂山水皆陽者本秦之朝市宮苑

皆在渭北而總命名以此也於是史記水經凡序長樂悉以其地屬之咸陽而於甘泉阿房亦自明命以為咸陽之前殿也則咸陽之名又嘗無踰渭南也此又不可不知也錄 雍

咸陽宮

始皇窮極奢侈築咸陽宮因北陵營殿端門四達以制紫

宮象帝居

三輔黃圖

諸廟及章臺上林皆在渭南秦每破諸侯寫放其

宮室作之咸陽北阪上南臨渭自雍門以東至涇渭殿屋複道周

閣相屬所得諸侯美人鍾鼓以充入之

史記秦始皇本紀○按長安志雍錄及馬馮諸志皆

無此宮三輔黃圖曰始皇築咸陽宮史記始皇二十四年置酒咸陽宮則秦之有咸陽宮也審矣顧長安志雍錄等書皆考據精詳何以獨闕也意孝公作咸陽築冀闕此或襲孝公之舊宮而弗改歟然孝公時咸陽宮之名未出也竊謂規模或仍舊而制度則從宏黃圖所謂因北陵營殿即史記所謂作之咸陽北阪者是也因表而出之以俟考古云

阿房宮

故基在長安縣西三十里

雍勝畧

始皇帝三十五年以為咸

陽人多先王之宮廷小吾聞豐鎬之間帝王之都也乃營作朝宮

渭南上林苑中先作前殿阿房東西五百步南北五十丈上可以坐萬人下可以建五丈旗周馳為閣道自前殿直抵南山表南山之巔以為闕為復道自阿房渡渭屬之咸陽以象天極閣道絕漢抵營室也阿房宮未成咸欲更擇令名名之乃分作阿房宮或作

麗山寫荆蜀地材皆至關中計宮三百史記秦始皇本紀括地志云秦阿

房宮亦曰阿城在雍州長安縣西北一十四里按宮在上林苑中

雍州郭城西南面即阿房宮城東面也索隱曰此以其形名宮也

言其宮四阿旁廣也秦始皇本紀注師古曰阿房者言殿之四阿皆為房

也一說大陵曰阿言其殿高若於阿上為房也房或作旁始皇作

此殿未有名以其去咸陽近且號阿旁阿近也漢書賈山傳注阿城本秦

阿房宮以其牆壁崇廣故俗呼為阿城東方朔傳注阿房前殿以木蘭

為梁以磁石為門三輔黃圖阿房宮東西三里南北五里庭中可受土

萬人車行酒騎行炙千人唱萬人和其外有城名阿城東西北三

面有牆南面無牆

三輔舊事

始皇收天下兵聚之咸陽銷鋒鏑以為金

人十二以弱天下之人立於宮門坐高三丈銘其後曰皇帝二十

六年初兼天下改諸侯為郡縣一法律同度量大人來見臨洮其

大五丈足跡六尺

三輔黃圖

磁石門

悉以磁石為故導其目四夷朝者有隱甲懷刃入門而

脅之以示神亦名却胡門

水經注

磁石門東西有閣道即阿房宮之

北闕門也累磁石為之著鐵甲入者磁石吸之不得過

長安志

磁石

門即北入之門審求其地則在鎬水趨渭之處故水經主漢城而

命其方則曰此阿房之西門若自主阿房而命之則當曰北門也

雍錄

信宮

在咸陽縣渭水南

賈志

始皇帝二十七年作信宮渭南已而更

命信宮為極廟象天極自極廟道通酈山作甘泉前殿築甬道自

咸陽屬之

史記秦始皇本紀

興樂宮

一名長樂

在長安城中

馬志

秦始皇造漢修飾之周四二十餘里漢

太后常居之

三輔黃圖

甘泉宮

古以甘泉名宮者三秦之甘泉在渭南一也漢之甘泉在

雲陽縣磨石嶺上二也隋之甘泉在酈三也秦之甘泉史嘗明言

在渭之南而無言其在渭南何地者秦始皇本紀迎太后于雍而

入咸陽復居甘泉宮徐廣曰表云咸陽南宮也秦時咸陽跨渭南

北則此宮不在渭北之咸陽而在渭南之咸陽也又本紀曰自極

廟道通酈山作甘泉前殿自咸陽屬之則甘泉前後必近上林苑

即酈縣也則秦之甘泉與隋之甘泉正同一地安知隋宮不襲秦

舊也

雍錄

蘭池宮 蘭池在咸陽縣東二十五里有秦蘭池宮雍勝畧地理志曰

渭城縣有蘭池宮秦始皇微行逢盜於蘭池水經注

林光宮 秦時宮也故基在甘泉山上雍勝畧林光宮胡亥所造從廣

各五里在雲陽縣界三輔黃圖林光宮一曰甘泉宮秦起在今池陽縣

西北故甘泉縣甘泉山上周迴十餘里關中記

曲梁宮 秦曲梁宮在三原縣西南十五里黃白城內元和志

步高宮 故基在渭南縣西南三十里雍勝畧步高宮亦名市邱城三輔

黃圖

步壽宮 在步高宮西三輔黃圖二宮皆秦時建雍勝畧

長楊宮 在盩厔縣東南三十三里雍勝畧長楊宮本秦舊宮宮中有

長楊數畝因為宮名門曰射熊觀秦漢游獵之所三輔黃圖

梁山宮 在永壽縣南八十里馬志始皇幸梁山宮從山上見丞相車

騎衆弗善也

史記秦始皇本紀

梁山宮城皆文石名織錦城

三秦記

望夷宮

在涇陽縣東南八里長陵西北臨涇水處

馬志

二世夢白虎

齧其左驂馬殺之心不樂怪問占夢卜曰涇水為祟二世乃齋於

望夷宮欲祠涇沈四白馬

史記秦二世本紀

秦宮闕附考

城陽宮

始皇母遷於城陽宮

長安志

○曲臺宮

秦有

曲臺宮鄒陽傳曰秦倚曲臺之宮垂衡天下應劭曰秦皇所居

亦不云臺在何地

雍錄

○大夏殿

始皇造銅人十枚在殿前

三輔

舊事 ○雲閣

二世所造起雲閣欲與南山齊

三輔黃圖

按秦逞其志宮室之侈前世未有史記始皇令咸陽之旁二百里內宮觀二百七十復道甬道相連漢書賈山傳秦起咸陽而西至雍離宮三百其矣乎其侈也然世移代易非惟瓦礫無存抑亦名與俱湮今即其尤彰著者考訂補綴列之如右至于名雖未湮而地無可稽或宮不詳其基址或殿未審其附麗猶往往見於他說脩錄篇末以俟參贊蓋難言之也後倣此例

長安故城 在西安府城西北二十里馬志高祖七年築長安宮城自

櫟陽徙居此城本秦離宮也初本狹小至惠帝更築之高三丈五

尺下濶一丈五尺上濶九尺雉高三坂周廻六十五里城南為南

斗形北為北斗形至今人呼漢京為斗城是也漢舊儀曰長安城

中經緯各長三十二里十八步地九百七十二頃八街長安志有華陽街章

臺街夕陰街香室街尚冠街太常街藁街前街漢書長安有熾盛街九陌三宮九府三廟十二門九

市長安志云內六市在道東三市在道西十六橋水泉深二十餘丈城下有池周繞

廣三丈深二丈石橋各六丈與街相直三輔黃圖長安城面三門四面

十二門皆通達九逕以相經緯三輔決錄長安在渭水南隔渭水北對

秦咸陽宮漢於其地置未央宮曰長安城因名縣括地志長安城中

地皆黑壤今城赤且堅如石如金父老相傳云盡鑿龍首山中土

以為城及諸城闕亦然三秦記漢築長安城及營宮殿咸以堙平至

今坊市北據高原南望爽塏視終南如指掌

關中記

漢都長安其城

在渭之南而咸陽之東南也凡漢城之水皆取諸昆明一派自西

而東橫亘城南之鼎路門已而東折以注青門水經同謂之漕渠

漢明堂園丘博望苑皆在漕渠之南

而呂圖亦具著渠迹暨至清明門外合王渠以

入於渭第二枝自都城西面南來第一門名章門者於其旁設爲

飛渠東向入城注於未央宮之西以爲大池是名滄池滄池下流

向東而往逕石渠天祿閣桂宮北宮長樂宮皆用此水也未央地

勢甚高而此水能自西面而轉北以行是行於未央山背窪下之

處也滄池下流有石渠者礪石爲之以導此水自此以往凡水既

周徧諸宮自清明門出城是爲王渠王渠至清明門外與漕渠合

而北入渭也

雍錄

漢城惠帝築後趙石虎亦嘗修之苻姚西魏宇文

皆都之隋開皇三年都龍首川此城遂廢至今民呼猶曰楊家城

宣平門

一名東都門 一名東城門

長安城東出北頭第一門曰宣平門民間所

謂東都門漢書疏廣太傅受少傅上疏乞骨骸歸公卿大夫為設

祖道供張東都門外即此門也

三輔黃圖

宣平門王莽更名春王門正

月亭亦曰東城門其郭門亦曰東都門即逢萌掛冠處也

水經注

清明門

一名籍田門又名凱門又名城東門

長安城東出第二門曰清明門一曰籍

田門以門內有籍田倉一曰凱門漢宮殿疏曰第二門名城東門

莽更名曰宣德門布恩亭

三輔黃圖

清明門外郭門曰東平門

宋敏求志

霸城門

一名青城門又名青綺門青雀門青門

長安城東出南頭第一門曰霸城門

三輔黃圖

霸城門王莽更名曰仁壽門無疆亭民見門色青又名青城

門或曰青綺門亦曰青門門外舊出佳瓜

水經注

景帝元年有青雀

羣飛于霸城門乃改為青雀門更脩飾刻木為綺橈雀去因名青

綺門

述異記

覆盜門

一名杜門又名下杜門又名端門

長安城南出東頭第一門曰覆盜門一

號杜門廟記曰覆盜門與洛門相去十三里二百一十步門外有

魯班輪所造橋工巧絕世長樂宮在城中近東直杜門其下有下

杜城漢書集註云故杜陵之下聚落也故曰下門

水經注作下杜門

又曰

端門北對長樂宮王莽更名曰永清門長茂亭

三輔黃圖

安門

一名鼎路門

長安城南出第二門曰安門亦曰鼎路門北對武庫

王莽更名曰光禮門顯樂亭

三輔黃圖

西安門

一名便門

長安城南出第三門曰西安門北對未央宮一曰便

門即平門也古者平便皆同字王莽更名曰信平門誠正亭

三輔黃圖

章城門

一名章門又名光華門亦名便門

長安城西出南頭第一門曰章城門

輔舊事曰章門一曰光華門又曰便門王莽改曰萬秋門

三輔
黃圖

直城門一名直門又長安城西出第二門曰直城門亦曰故龍樓名龍樓門

門門上有銅龍本名直門王莽更曰直道門端路亭三輔黃圖

雍門一名西門長安城西出北頭第一門曰雍門本名西門一名函里門

王莽改曰章義門著義亭其水北入有函里民呼曰函里門三輔黃圖

洛城門一名高門又名鶴雀臺門又長安城北出東頭第一門曰名杜門利城門客舍門洛門

洛城門又曰高門漢宮殿疏曰高門長安北門也又曰鶴雀臺門

外有漢武承露盤在臺上三輔黃圖北出西頭第三門本名杜門亦曰

利城門王莽更名進和門臨水亭其水有客舍故民曰客舍門又

曰洛門也水經注

厨城門一名廣門長安城北第二門曰厨城門王莽更名建子門廣世

亭三輔黃圖厨門其内有長安厨官在事故城曰厨門也如淳曰今名

廣門也

水經注

橫門

一名光門

長安城北出西頭第一門曰橫門門外有橋曰橫橋

三輔

黃圖

橫門王莽更名霸都門左幽亭如淳曰音光故曰光門其外郭

有都門有棘門徐廣曰棘門在渭北孟康曰在長安北秦時宮門

也三輔黃圖曰棘門在橫門外按漢書徐厲軍於此又有通門

門也

水經注

長樂宮

在長安故城中

括地志

高帝五年治長樂宮

漢書高帝本紀

長樂宮

本秦之興樂宮也高皇帝始居櫟陽七年長樂宮成徙居長安城

後太后常居之王莽改為長樂室在長安城中近東直杜門

三輔黃圖

長樂宮周迴二十餘里有殿十四

關中記

惠帝為東朝長樂及間往

來數蹕煩人乃作複道築武庫南詔立原廟

史記叔孫通傳

長樂者高帝

既以為居又以受朝無異於正宮矣自惠帝後人主皆居未央而

長樂常奉母后

玉海

未央在漢城西隅而長樂乃東隅也秦櫟里子

百年前已言之李吉甫元和志言兩宮相去止隔一里此一里所

即武庫

雍錄

建章未央長樂三宮皆輦道相屬懸棟飛閣不由徑路

漢武故事

東闕

惠帝五鳳三年鸞鳳集長樂宮東闕中樹上

漢書惠帝本紀

闕在

門兩旁中央闕然為道也

釋名

西闕

太子引兵毆四市人至長樂西闕下逢丞相軍合戰

漢書劉屈

麓傳

司馬門

未央甘泉長樂四面皆有公車司馬門凡言司馬者宮

垣之內兵衛所在司馬主武事故謂宮之外門為司馬門

三輔黃圖

前殿

長樂宮前殿東西四十九丈七尺兩廡

一作序

中三十五丈

深十二丈

三輔黃圖

臨華殿

在長樂前殿後武帝建

三輔黃圖

成帝永始四年夏四月長

樂宮臨華殿災

漢書成帝本紀

大廈殿

秦作銅人立阿房殿前漢著長樂宮大廈殿前

三輔舊事

長信宮長秋殿永壽殿永寧殿

一作昌

殿

長信宮漢太后常居之按

通靈記太后成帝母也后宮在西秋之象也秋主信故宮殿皆以

長秋長信為名又永壽永寧殿皆后所處也

三輔黃圖

長樂宮殿前列

銅人殿西有長信長秋永壽永昌諸殿

水經注

黃圖曰長樂殿西有

長信宮長秋永壽永寧四殿而水經亦云殿西有長信長秋永壽

永昌等殿則長信長秋皆在長樂宮中也長安志別出長信等七

宮不以統諸長樂殆傳疑耶

錄

鍾室

高帝十一年呂后殺韓信於長樂鍾室

漢書高帝本紀

師古曰謂

懸鍾之室

高帝本紀

未央殿東北二里許鍾室故處也有隙地丈餘

草色皆殷赤相傳呂后殺淮陰血漬而然池雖統係長樂而其方

向位置無可考矣

宣德殿通光殿高明殿 見三輔宮殿名在長樂宮中

宋敏求志

溫室殿

或問光溫室省木皆何木也光嘿然不應

漢書孔光傳

晉灼

曰長樂宮中有溫室殿

孔光傳注

長定殿建始殿廣陽殿中室殿月室殿神仙殿椒房殿

俱見宋敏求志

鴻臺

長樂宮有鴻臺鴻臺秦始皇二十七年築高四十丈上起

觀宇帝嘗射飛鴻於臺上故號鴻臺漢書惠帝四年長樂宮鴻臺

災

三輔黃圖

酒池

廟記曰長樂宮中有魚池酒池池上有肉炙樹秦始皇造

漢武帝行舟於池中

三輔黃圖

酒池北起臺天子於上觀牛飲者三千

人

關中記

武帝作酒池

以誇羗胡飲以鉄杯重不能舉皆牛飲

太平寰宇

記長樂殿之東北有池池北有層臺沼謂是池為酒池非也水經注

未央宮

在長安故城中近西南隅

括地志

高帝七年蕭何治未央宮

漢書高帝本紀

未央宮周迴二十二里九十五步五尺街道周迴七十里

臺殿四十三其三十二在外其十一在後宮池十三山六池一山

一亦在後宮門闊九十五

西京雜記

未央宮周旋三十三里街道十七

里有臺三十二池十二土山四宮殿門八十一掖門十四宮殿及

臺皆疏龍首山土以作之殿基出長安城上非築也

關中記

未央一

名紫微宮

三秦記

未央者前限未到之辭故漢有未央宮古詩有樂

未央

詩正義

東闕

蕭何治未央宮立東闕

漢書高帝本紀

文帝七年未央宮東闕果

愚災

文帝本紀

如淳曰東闕與兩旁果愚皆災也師古曰果愚為連闕

曲閣也以覆重刻垣墉之處其形果愚然

文帝本紀注

未央宮東有蒼

龍闕

關中記

索隱曰東闕名蒼龍

史記注

北闕

師古曰未央殿雖南向而上書奏事謁見之徒皆詣北闕

公車司馬亦在北焉是則以北闕為正門而又有東門東闕至於

西南兩面無門闕矣蓋蕭何初立宮以厭勝之術

漢書高帝本紀注

未央

宮北有元武闕所謂北闕也闕中有閭闔門止車門

關中記

柏梁臺

武帝元鼎二年春起柏梁臺

漢書武帝本紀

武帝鑄柏梁銅柱

郊祀志

臺高二十丈用香柏為殿梁香聞十里

三輔故事

廟記曰柏梁臺

漢武帝造在北闕內道西三秦記曰柏梁臺上有銅鳳名鳳闕

宋敏

求志武帝作柏梁臺詔羣臣二千石有能為七言詩者乃得上座帝

曰日月星辰和四時自梁王以下作詩者二十五人

古文苑

司馬門

元帝初元五年令從官給事宮司馬中者得為大父母

父母兄弟通籍

漢書元帝本紀

應劭曰司馬中者宮內門也師古曰司馬

門者宮之外門也衛尉有八屯衛候司馬主衛士徼巡宿衛每面各二司馬故謂宮之外門為司馬門元帝本紀注漢宮衛令諸出入殿

門公車司馬皆下不如令罰金四兩玉海○按未央宮有東闕北闕而西南無門闕類師古謂

為蕭何厭勝之術是矣至司馬門三輔黃圖及師古俱謂未央四面皆有司馬門乃宮之外門應劭謂為宮內門似有參差細推之

則是闕乏西南而司馬門有西南闕門之牆四面環宮司馬門之牆乃宮正垣而闕垣在外西京賦所謂徼道外周十廬內附是也

故自闕門視之則為宮內門自宮視之則為宮外門矣二說雖異其寔同也漢書百官表注師古曰漢舊儀云衛尉司在宮內主宮

闕之門內衛士於周垣下為區廬西京賦衛尉八屯警夜巡晝注綜曰衛尉周宮外於四方四角立八屯士士則傳宮外為廬舍是

則宮牆外闕門內正為衛士區廬地矣

端門 皇帝入未央宮有謁者十人持戟衛端門曰天子在也足

下何為者不得入太尉往諭乃去皇帝遂入漢書周勃傳師古曰殿之

正門也周勃傳注立金人於端闈西都賦善曰宮中門謂之闈西都賦注

掖門 朱虛侯章請卒千人入未央宮掖門漢書呂師古曰非正

門而在兩旁若人之臂掖也

呂后紀注

御覽曰出禁省為殿門外出大

道為掖門則不特夾立正門之旁為掖門雖殿門外他出之門皆可名為掖門也漢書薛宣傳宣子況令楊明遮斫申咸於宮門外廷尉直議曰本爭私權雖於掖門外傷咸與九關無異此則殿外有門可出通衢者皆名掖門之証也唐門下北省在日華門名左掖中書北省在月華門名右掖此之日華月華立殿自在宣政殿東西兩廊出門未是宮外而亦以掖名之則是殿門之正門外旁或有門皆為掖門也

雍錄

前殿 未央宮前殿東西五十丈深十五丈高三十五丈營未央宮因龍首以制前殿至孝武以木蘭為枅橑文杏為梁柱金鋪玉戶華棖璧璫雕楹玉碣重軒縷檻青瑣丹墀左碱右平黃金為壁帶間以和氏珍玉風至其聲玲瓏然也

三輔黃圖

王莽改前殿曰王路

堂地皇元年王路堂為風所毀宋敏求志成帝綏和二年鄭通里男子

王褒帶劔入北司馬門殿東門上前殿入非常室中漢書五行志如淳

曰殿上室名五行志注

蘭臺 漢百官表御史中丞在殿中蘭臺掌圖籍秘書外督部刺

史內領侍御史受公卿奏事西京賦曰蘭臺金馬逦宿迭居按此

蘭臺正在殿中石渠天祿皆在殿北雍錄

宣明殿廣明殿 皆在未央殿東三輔黃圖

昆德殿玉堂殿 皆在未央殿西三輔黃圖

鴛鸞殿 未央殿東有鴛鸞殿關中記

白虎門 王莽大置酒未央宮白虎殿勞賜將帥自前殿南下西

出椒除白虎門漢書王莽傳服虔曰邪行閣道下者也師古曰除殿陛

之道也椒取芬香之名也王莽傳注

金馬門 金馬門者宦者署門也門傍有銅馬故謂之曰金馬門

史記滑稽傳天子擢弘對為第一待詔金馬門漢書公孫弘傳武帝時相馬者

東門京作銅馬法獻之立馬於魯班門外更名魯班門為金馬門

公孫弘傳注揚雄待詔金門金馬門也宋敏求志金馬門又謂之黃門玉海

宦者署 宣帝召武待詔宦者署漢書蘇武傳師古曰百官公卿表少

府屬官有宦者令丞以其署親近故令于此待詔蘇武傳注百官表有

中黃門師古曰謂閭人居禁中在黃門之內給事者也雍錄

承明廬 嚴助為會稽太守數年不聞問賜書曰君厭承明之廬

漢書嚴助傳張晏云承明廬在石渠閣外嚴助傳注

天祿閣 在未央大殿北天祿異獸也即揚雄校書處三輔故事天祿

石渠蕭何造以藏秘書處賢才漢宮閣疏天祿石渠典籍之府西都賦

石渠閣 在未央大殿之北三輔故事石渠閣蕭何造其下甃石為渠

以導水若今御溝因為閣名藏入闕所得秦之圖籍成帝於此藏

秘書焉

三輔黃圖

石渠閣礪石為渠以導水以水經約其地望則滄池

在未央西南此之為渠必引滄池下流轉北以行成其為渠也水

之又北遂轉行乎明光桂宮之間謂之明渠也又益趨東則長樂

之有酒池都城東之有王渠皆此水也

雍錄

宣室殿

在未央宮前殿正室也淮南子曰周武王殺紂於宣室

漢取舊名也漢書文帝受釐宣室夜半前席賈生問鬼神之事即

此也

三輔黃圖

漢書宣帝常幸宣室齋居而決事如淳曰宣室宣布政

教之室蓋其殿在前殿之側齋則居之

宋敏求志

甘露四年未央宮宣

室閣災

漢書成帝本紀○按宣室閣其位置未詳然以理推之必既有殿而閣名即因之以出也當在殿前故附見之

承明殿

皇太后車駕幸未央承明殿

漢書霍光傳

未央宮有承明殿

著述之所也班固西都賦序云內有承明著作之庭即此

三輔志

文帝躬行節儉其時未央宮無高門武臺麒麟鳳凰白虎玉堂金

華之殿獨有前殿曲臺漸臺宣室溫室承明耳漢書翼奉傳承明殿與

石渠相距不遠孝成時客有薦雄文似相如者召雄待詔承明之

庭師古曰承明殿在未央宮夫雄自言其待詔之地直曰承明之

庭而武帝謂嚴助厭直乃曰承明之廬其云廬者以更直之地言

之也曰庭者以受詔作文之地言之也錄

溫室殿 昌邑王入朝太后還乘輦欲歸溫室漢書霍光傳溫室在未

央宮殿北武帝建冬處之溫暖也三輔黃圖溫室以椒塗壁被之文繡

香桂為梁設火齊屏風鴻羽帳規地以廁賓氍毹西京雜記

清涼殿 清涼殿在未央宮殿北夏居之則清涼也漢書曰清室

則中夏含霜此也三輔黃圖

高門殿 武帝於未央宮起高門殿三輔舊事漢書曰汲黯請見高門

注曰未央宮高門殿也又哀帝時鮑宣諫曰陛下擢臣巖穴誠冀

有益毫毛豈欲臣美食大官重高門之地三輔黃圖鮑宣又言高門去

省戶數十步求見出入二年未省玉海

玉堂殿漢書揚雄傳鮮嘲歷金門上玉堂雄傳晉灼曰黃圖有大玉堂小

玉堂殿揚雄傳注師古曰玉堂殿在未央宮李尋傳注李尋待詔黃門得預

入直而曰久汗玉堂之直者言直廬在玉堂外也雄之待詔其解

曰登金門上玉堂雄時待詔承明故得由金馬門以上玉堂也

則玉堂金馬必相附近也雜錄

長秋門 太子使舍人無且持節夜入未央宮殿長秋門因長御

倚華具白皇后漢書房太子傳○按黃圖云后宮殿皆以長信長

秋門因長御倚華而白皇后是持節不得入矣或亦

內謁者署 在未央宮屬少府掌宮中步帳褻物丁孚漢官云令

秋千石

三輔圖

椒房殿

未央宮有椒房殿

三輔宮殿名

皇后殿稱椒房以椒塗室主

溫暖除惡氣也

漢官儀

掖庭

賜單于待詔掖庭王嬙為閼氏

漢書元帝本紀

婕妤以下皆居掖

庭

漢官儀

漢掖庭有月景臺雲光殿光華殿鳴鸞殿開襟閣臨池觀

不在簿籍皆繁華窈窕之所棲宿焉

西京雜記

昭陽殿

成帝趙皇后居昭陽殿

三輔圖

皇后既立寵少衰而弟絕

幸為昭儀居昭陽舍其中庭彤朱而殿上髹漆切皆銅沓冒黃金

塗白玉階壁帶往往為黃金釭函藍田璧明珠翠羽飾之自後宮

未嘗有焉

漢書元后傳

昭陽特盛隆於孝成屋不成材牆不露形

西都賦

昭陽殿在未央宮中織珠為簾風至則鳴如環佩聲窻戶扇多是琉璃皆通照毛髮不得藏椽桷皆刻作龍蛇紫繞其間其中鱗甲

分明見者莫不驚慄

西京雜記

武帝時後宮八區有昭陽飛翔增城合

歡蘭林披香鳳凰鸞鸞等殿後有增修安處常寧蒨若椒風發越

蕙草等殿為十四位

三輔黃圖

增城舍

漢書曰班婕妤居增城舍應劭曰後宮有八區增城第

三也

宋敏求志

椒風舍

董賢女弟為昭儀位次皇后更名其舍為椒風以配椒

房云

漢書董賢傳

漸臺

未央宮西有滄池池中有漸臺

關中記

未央宮有漸臺文帝

之夢鄧通王莽之死於兵皆在其處建章宮亦有漸臺郊祀志曰

建章漸臺高二十丈名曰泰液長安志疑王莽在未央為漢兵所

逼倉卒出避無由得趨建章因疑兩宮各有漸臺此其疑之是也

水經未央漸臺在滄池中建章漸臺在太液池中正與漢志所載

相合最可據矣黃圖曰舊圖云未央宮有滄池其水滄色故曰滄池此即水經言漸臺之在滄池者也至黃圖曰漸臺在未央宮太液池中則未央似有太液矣而漢志無之則疑黃圖不審也圖又曰未央宮有滄池池中有漸臺王莽死于此則此地本是滄池而誤為太液池也案昭帝紀始元元年黃鵠下建章太液池則太液自在建章甚明而正史之於未央又無太液之文故予得以議其不審也

雍錄

麒麟殿

未央宮有麒麟殿漢書哀帝燕董賢父子於麒麟殿

三輔

黃圖○以下諸殿閣門室其方向位置皆未詳所在

金華殿

未央宮有金華殿

三輔黃圖

上方向學鄭寬中張禹朝夕入

說尚書于金華殿中

漢書敘傳

宴昵殿

班伯少受詩於師丹大將軍王鳳薦伯宜勸學召見宴

昵殿

漢書敘傳

武臺殿

武帝于未央宮起武臺殿

三輔舊事

猗蘭殿

王美人七月七日旦生武帝於猗蘭殿

漢武帝故事

景帝夢

一赤彘從雲中直入崇芳閣景帝覺而坐閣下果有赤龍如霧來

蔽戶牖宮內嬪御望閣上有丹霞翦蔚而起霞滅見赤龍盤迴棟

間景帝使王夫人移居崇芳閣乃改崇芳閣為猗蘭殿

漢武帝內傳

白虎殿

未央宮有白虎殿

三輔黃圖

河平四年單于來朝引見白虎

殿

漢書王商傳

曲臺殿

后蒼說禮數萬言號曰后氏曲臺記

漢書孟卿傳

服虔曰在

曲臺校書著記因以為名師古曰曲臺殿在未央宮

孟卿傳注

飛羽殿

太后冬饗飲飛羽

漢書元后傳

師古曰飛羽殿在未央宮中

羽或作雨

元后傳注

敬法殿 葬在未央宮朱魚等燒作室門斧敬法閣 漢書王 師古

曰敬法殿名 王莽傳注

鳳凰殿通光殿鈎弋殿壽成殿萬歲殿水延殿壽安殿平就殿宣

德殿東明殿 俱在未央宮見三輔黃圖 神明殿 在未央宮見漢武故事 延年殿合歡殿四

車殿 在未央宮見三輔決錄 宣平殿長年殿 在未央宮見漢宮閣記 朱鳥堂 在未央宮見漢宮殿

疏

麒麟閣 上思股肱之美廼圖畫其人於麒麟閣 漢書蘇武傳 張晏曰

武帝獲麒麟時作此閣遂以為名 蘇武麒麟閣亦藏書 六典注

白虎閣屬車閣堯閣 俱在未央宮見三輔黃圖

織室 少府有東織西織令丞河平元年省東織更名西織為織

室 漢書百官表 未央宮有東西織室織作文繡郊廟之服有令史 三輔黃圖

凌室 在未央宮藏冰之室詩豳風七月篇曰納于凌陰 三輔黃圖

暴室 應劭曰暴室者宮人獄也今曰薄室師古曰暴室者掖庭主織作染練之署謂之暴室者取暴曬為名耳或謂薄室者薄亦暴也今俗語云暴曬蓋暴室織務既多因為置獄主治其罪人故往往謂之暴室獄耳然本非獄名應說失之矣。漢書宣帝本紀注按三輔黃圖暴室在未央宮

郎中府 朱虛侯章請卒入未央宮掖門見產廷中逐擊產殺之

郎中府吏舍廁中漢書高后本紀如淳曰百官表令郎中掌宮殿門戶故

其府在宮中後轉為光祿勳高后本紀注

四寶祠 宣帝以方士言為隨侯劍寶玉寶璧周康寶鼎立四祠

于未央宮中漢書郊祀志

弄田 在未央宮弄田者燕遊之田天子所戲弄耳漢書昭帝紀

曰始元元年上耕于鉤盾弄田應劭注云帝時年九歲未能親耕

帝籍鈎盾官宦者近署故往試耕為戲弄成帝建始三年小女陳

持弓年九歲闢入尚方掖門至未央殿鈎盾禁中

三輔黃圖

青瑣門

未央宮有青瑣門

三輔黃圖

黃門郎屬黃門令日暮入對青

瑣門拜名曰夕郎

漢舊儀

師古曰青瑣門刻為連瑣文而以青塗之

也

漢書元后傳注

作室門

成帝為太子初作桂宮上急召太子出龍樓門不敢絕

馳道西至直城門得絕乃度還入作室門

漢書成帝本紀

鈎弋臺

在未央宮見三輔黃圖

東山臺西山臺鈎臺

在未央宮見三輔故事

路軫廡

在未央宮掌宮中輿馬亦曰未央廡漢書曰武帝時期

門郎上官桀遷為未央廡令

三輔黃圖

獸圈九彘圈一

在未央宮文帝問上林尉及馮妃當熊皆此處

獸圈上有樓觀

三輔黃圖

北宮

惠帝張皇后廢處北宮

漢書外戚傳

師古曰在未央宮之北

外戚傳注

北宮在長安城中近桂宮俱在未央宮北周廻十里高帝時制度

草創孝成增修之

三輔黃圖

東交門

武帝從董偃遊戲北宮馳逐平樂觀有詔置酒北宮引

董君從司馬門入更名東交門

漢書東方朔傳

前殿

北宮有前殿廣五十步珠簾玉戶如桂宮

三輔黃圖

紫房複道

成帝母太皇太后自居長樂宮而帝祖母定陶傅太

后在國邸詔問宜當何居光不欲令后與帝旦夕相近即議以爲

定陶太后宜改築宮大司空何武曰可居北宮上從武言北宮有

紫房複道通未央宮傅太后從複道朝夕至哀帝所

漢書孔光傳

壽宮

北宮有神仙宮壽宮張羽旗設供具以禮神君神君來則

蕭然風生帷帳皆動

三輔黃圖

太子宮 孝成皇帝元帝太子也母曰王皇后元帝在太子宮生

甲觀畫堂

漢書成帝本紀。按太子宮未詳所在三輔黃圖序入北宮今從之

桂宮

在長安故城中

元和志

漢武帝造周回十餘里

三輔黃圖

武帝為七

寶牀雜寶案厠寶屏風列寶帳設於桂宮時人謂為四寶宮

西京雜記

未央宮北即桂宮也舊乘複道用相逕通故渠出二宮之間謂之

明渠

水經注

輦路經營修塗飛閣自未央而連桂宮

西都賦

鈞陳之外

閣道穹窿屬長樂與明光徑北通乎桂宮

西京賦

龍樓門

成帝為太子居桂宮上嘗急召太子出龍樓門

漢書成帝本紀

張宴曰門樓有銅龍若白鶴飛廉之為名也

成帝本紀注

鴻寧殿

建平三年正月帝太太后所居桂宮正殿火

漢書哀帝本紀

平三年正月桂宮鴻寧殿災帝祖母傳太后之所居也

五行志

明光殿

桂宮中有明光殿土山複道從宮中西上城西至建章

宮神明臺蓬萊山

關輔記

未央宮漸臺西有桂宮中有明光殿皆金

玉珠璣為簾箔綴明月珠金砌玉階晝夜光明

三秦記

走狗臺

桂宮有走狗臺

三輔黃圖

商臺避風臺

見三輔黃圖

明光宮

武帝太初四年秋起在長樂宮後南與長樂宮相連屬

三輔

黃圖成都侯商病欲避暑從上借明光宮

漢書元后傳

師古曰明光在城

內近桂宮

元后傳注

王莽篡位命孺子為定安公孝平皇后為定安太

后改明光宮為定安館定安太后居之

長安志

建章宮

在長安故城西

雍勝畧

太初元年二月起建章宮

漢書武帝本紀師

古曰在未央宮西今長安故城西俗所稱貞女樓即此宮之闕也

武帝本紀注

建章宮度為千門萬戶

郊祀志

建章周回二十餘里

關中記

柏

梁既災越巫陳方建章是經用厭火祥營宇之制事無未央

西京賦

三輔舊事關中記皆言建章在城西上林之地東方朔傳曰陛下以城中為小圖起建章長安記曰王莽壞城西苑中建章十餘所取其材為九廟師古曰自建章以下皆在上林苑中關中記上林苑中有宮十二建章其一然建章如此其侈而正史少曾正書臨幸則皆從飛閣越城以出也

雜錄

飛閣 武章於未央營造日廣以城中為小乃於宮西跨城池作飛閣通建章宮構輦道以上下

三輔黃圖

案建章宮在長安城外與未

央諸宮隔城相望故跨城而為閣道尤與常異三輔故事曰神明臺在建章宮故垂棟飛閣從宮中西上跨城而出乃達建章也

雜錄

閶闔門

一名壁門

宮之正門曰閶闔高二十五丈亦曰壁門漢書曰建

章宮南有玉堂壁門三層臺高三十丈玉堂內殿十二門階陛皆玉為之鑄銅鳳高五尺飾黃金樓屋上下向風若翔椽首薄以璧

玉因名璧門

三輔黃圖

鳳闕

建章前殿度高未央其東則鳳闕高二十餘丈

史記封禪書

索

隱曰三輔黃圖云武帝營建章起鳳闕高二十五丈闕中記一名

別風闕以言別四方之風西京賦曰閭闔之內別風嶢嶢是也

封禪

書注俗謂鳳凰闕為貞女樓

闕輔古語

設璧門之鳳闕上觚稜而棲金爵

西京賦

璧門左鳳闕

三輔黃圖

閭闔門內東出有析風闕一名別風

玉海

神明臺 璧門右神明臺漢書曰建章宮有神明臺廟記曰神明

臺武帝造祭金人處上有承露盤有銅仙人舒掌捧銅盤玉杯以

承雲表之露以求仙道長安記仙人掌大七圍以銅為之

三輔黃圖神

明臺高五十丈常置九天道士百人

漢宮閣疏

神明臺上有九室俗謂

之九子臺而寔非也

水經注

圓闕

建章宮門北起圓闕高二十五丈上有銅鳳凰赤眉賊壞

之西京賦圓闕聳以造天若雙碣之相望是也三輔黃圖俗人謂鳳闕

為貞女樓古歌辭云長安城西雙員闕上有一雙銅雀宿一鳴五

穀生再鳴五穀熟按銅雀即銅鳳也長安志。按史記建章鳳闕

設壁門之鳳闕也又闕中記建章宮圓闕有金鳳在上故號鳳闕

似又以圓闕為鳳闕矣然唐賈至詩云雲裏帝城雙鳳闕則是鳳

闕有二至唐而遺址尚存也意史記所謂鳳闕者俗既呼為貞女

樓時或因圓闕有銅雀而亦呼之為鳳闕也名雖同出其實非一

也
嶢峣闕 廟記曰建章宮有嶢峣闕薛綜注次門女闕也在圓闕

門內二百步長安志
井幹樓 武帝作建章宮乃立神明臺井幹樓度五十丈輦道相

屬史記封禪書神明井幹俱高五十丈井幹樓積木而高為樓若井幹

之形也井幹者井上木欄也其形或四角或八角漢官闕疏井幹疊而

百層西京賦別風闕高五十丈對峙井幹樓高五十丈輦道相屬焉

三輔黃圖

前殿 建章前殿度高未央漢書郊祀志

唐中庭漢書作商中 建章宮西則唐中數十里史記封禪書 索隱曰詩云中

唐有甃鄭元曰唐堂庭也爾雅以廟中路謂之唐西京賦曰前開

唐中彌望廣濶是也封禪書注 建章宮西則商中數十里漢書郊祀志 如淳

曰商中商庭也師古曰商金也於序在秋故謂西方之庭為商庭

郊祀志注

虎圈 建章宮西虎圈漢書郊祀志 師古曰於菟亦西方之獸故於此

置其圈也郊祀志注

太液池 建章宮治大池漸臺高二十餘丈命曰太液池中有蓬

萊方丈瀛洲壺梁象海中神山龜魚之屬史記封禪書 正義曰臣瓚云

太液言象陰陽津液以作池也索隱曰三輔故事云池北岸有石

魚長二丈廣五尺西岸有龜二枚各長六尺書主師古曰漸浸也

臺在池中為水所浸故曰漸臺三輔黃圖或作濊字濊亦浸耳漢書

郊祀志注

唐中池 周迴十二里在建章宮太液池南三輔黃圖

避風臺 太液池有避風臺即飛燕結裾之處關中記

涼風臺 建章宮北作涼風臺積木為樓高五十餘丈關中記

曝衣閣 太液池西有武帝曝衣閣常至七月七日宮女出后衣

登樓曝宋卜子陽園苑疏

孤樹池 太液池西有一池名孤樹池池中有一洲洲上姑樹一

株六十餘圍望之重重如車蓋故取為名西京雜記

淋池 昭帝元始元年穿淋池廣千步東引太液之水池中植分

枝荷一莖四葉狀如駢蓋花葉離萎芬馥之氣徹十餘里宮人貴

之每遊宴出入必皆含嚼或剪以為衣或折以蔽日以為戲弄帝時命水嬉以文梓為船木蘭為柁刻飛鸞翔鵠飾於船首隨風輕漾畢景忘歸乃至通夜拾遺記

鼓簧宮 漢宮閣疏云鼓簧宮周匝一百三十步在建章宮西北

三輔黃圖

奇華宮 在建章宮旁四海夷狄器服珍寶火浣布切玉刀巨象

大雀師子宮馬充塞其中

三輔黃圖

駘蕩宮 春時景物駘蕩滿宮中也

三輔黃圖。以下位置皆未詳

馭娑宮 馭娑馬行疾貌馬行迅速一日之間遍宮中言宮之大

也

三輔黃圖

天梁宮 梁至於天言宮之高也

三輔黃圖

枵詣宮 枵詣木名宮中花木茂盛也

三輔黃圖

影娥池 武帝鑿以玩月其傍起望鵲臺以眺月影入池中使官

人乘舟弄月影名影娥池亦曰眺蟾臺

三輔黃圖

函德殿 神爵元年三月詔曰金芝九莖產於函德殿銅池中

漢書

宣帝本紀建章宮有函德等二十六殿

三輔黃圖

北闕 高二十丈建章宮北闕門也

廟記

鈎弋宮 在直門之南

漢武故事

鈎弋夫人姓趙氏河間人少好酒病卧

六年右手鈎卷飲食少望氣者云東北有貴人推而得之見召姿

色佳麗武帝披其手得玉鈎而手展乃命所居曰鈎弋宮

列仙傳

堯母門 趙婕妤居鈎弋宮太始元年生昭帝號鈎弋子十四月

乃生命所生門曰堯母門

漢書趙婕妤傳

宜春宮 建元三年武帝微行東遊宜春

漢書東方朔傳

師古曰宜春宮在

長安東南說者乃以為在鄠非也在鄠者自是宜春觀耳在長安

城西豈得言東遊也郭璞曰在渭南杜縣東

東方朔傳注

師古曰宜春

宮名在杜縣東即今曲江池是其地也

上林賦注

扶荔宮

在上林苑中漢武帝元鼎六年破南越起扶荔宮以植所

得奇草異木皆百餘本土木南北異宜歲時多枯瘁荔枝自交趾

移置百株于庭無一生者連年猶移置不息後數歲偶一株稍茂

終無華實帝亦珍惜之

三輔黃圖

明堂

武帝初即位嚮儒術以文學爲本議立明堂於城南以朝諸

侯

漢書武帝本紀

明堂在長安城西南七里

三輔黃圖

明堂在長安城外杜門

之西

關中記

儲元宮

在漢長安城中

賈志

馮昭儀與子信都王居儲元宮師古曰

在上林苑中

長安志

宣曲宮

在昆明池西孝宣帝曉音律嘗於此度曲因以爲名

太乙宮 在西安城南五十里太乙山谷中漢元封初南山谷間雲

氣融結陰翳成象武帝于此建宮內有種放記陳希夷換碑賈志

櫟陽宮 高祖受命五日一朝太公於櫟陽宮唐書盧懷謹傳

豫樟宮 漢武帝寶鼎二年立豫樟宮於昆明池中作豫樟亭述異記

昭臺宮 在上林苑中孝宣霍皇后立五年廢處昭臺宮三輔黃圖

長門宮 在故長安城東賈志長門宮離宮孝武陳皇后得幸頗妬居

長門宮三輔黃圖顧城廟無宿宮寶太主獻長門園如淳曰園在長門

長門在長安城東南園可以為館宿處所故獻之上大喜更名寶

太主園為長門宮今按漢書長安城無名長門者長安志

犬臺宮 在上林苑中長安西二十八里漢書江充召見犬臺宮三輔

黃圖晉灼曰上林有犬臺宮外有走狗觀師古曰今書本犬臺有作

大臺字誤也漢無大臺宮漢書江充傳注

黃山宮 在興平縣西三十里武帝微行西至黃山宮即此也三輔黃圖

右扶風槐里縣有黃山宮漢書地理志在澇水入渭之下渭在宮南玉海

池陽宮 在涇陽縣西北八里元和志上自甘泉宿池陽宮漢書宣帝本紀池

陽宮在池陽南上原之陂有長年陂去長安五十里三輔黃圖

長楊宮 在盩厔縣東南三十二里雍勝畧本秦舊宮至漢修飾之以

脩行幸宮中有垂楊數畝因為宮名三輔黃圖漏水東北流經長楊宮

東水經注

長楊榭 在長楊宮秋冬校獵其下命武士搏射禽獸天子登此

以觀焉三輔黃圖

射熊館 在長楊宮武帝好自擊熊司馬相如從至上林作賦諫

揚雄亦作長楊賦三輔黃圖

五柞宮 在盩厔縣東南三十八里漢武帝起雍勝畧武帝後元二年

幸整屋作五柞宮

漢書武帝本紀

漢之離宮也宮中有五柞樹因以為名

三輔黃圖

五柞宮有五柞樹皆連三抱上枝覆蔭數十畝

西京雜記

青梧觀

五柞宮西有青梧觀觀前三梧桐樹樹下有石麒麟

二枚刊其脇為文字是秦始皇驪山墓上物也頭高一丈三尺東

邊者前左脚折折處有赤血父老謂其有神皆含血屬筋焉

西京雜記

葡萄宮

在整屋縣境

雍勝畧

葡萄宮在上林苑西

十道志

元壽二年單

于來朝以太歲厭勝所在舍之上林苑葡萄宮

漢書匈奴傳

醴泉宮

在醴泉縣東南三十里漢宣帝聞泉味如酒因以建宮唐

貞觀重修縣因以名

賈志

步壽宮

在耀州東北一里

賈志

神爵二年正月鳳凰集殺祠於所集

得玉寶起步壽宮

漢書郊祀志

秦亦有步壽宮今按其地與漢異則秦

漢各有步壽宮耳

三輔黃圖

甘泉宮 在淳化縣甘泉山上雍勝齊人李少翁言上即欲與神通

宮室被服非象神物不至廼作甘泉宮中為臺畫天地泰一諸鬼

神而置祭具以致天神漢書郊祀志甘泉宮一曰雲陽宮周十九里二

百二十步有宮十三臺十一武帝常以五月避暑於此八月乃還

有銅人一枚在門外關輔記雲陽先生之墟也中有神書鐵券玉石

之記遁甲開山圖甘泉宮在雲陽縣磨石嶺上長安志曰磨石嶺山有

甘泉十道志曰甘泉出石鼓西原漢甘泉宮在山上即秦林光宮

旁也此取石鼓甘泉以名者也秦之林光至漢猶存漢武元封二

年始即磨盤嶺秦宮之側為宮是為漢甘泉矣孟康注郊祀志曰

甘泉一名林光師古曰漢於秦林光旁起甘泉宮非一名也師古

說是也元封二年前史之所記文景皆嘗臨幸甘泉不曰甘泉

有宮可幸當是秦之林光遠在磨盤嶺上不燼於火而可用也武

帝雖別創甘泉一宮而秦之林光如故則謂甘泉宮在林光宮旁

者是也

錄雍

雲陽宮記曰甘泉宮北有槐樹今謂之玉槐根幹盤峙

三二百年木也耆舊相傳咸以為此樹即揚雄甘泉賦所謂玉樹

青葱者也

志長安

甘泉宮在甘泉山上今其地尚餘甃瓦甃作流水

紋瓦頭有篆字

淳化縣志

燹闕

前燹闕

甘泉賦

晉灼曰燹闕赤色之闕南方之帝曰赤燹

甘泉

注賦

應門

晉灼曰應門正在燹闕之內也

甘泉賦注

前殿

武帝於甘泉宮更置前殿始廣諸宮室有芝生甘泉殿邊

房

漢宮儀注

芝有九莖金色綠葉珠寶夜有光乃作芝房之歌

史漢舊儀

前

殿

崔巍兮和氏瓏玲

甘泉賦

晉灼曰以黃金為辟帶含藍田璧瓏玲

明見貌也

甘泉賦注

紫殿 漢武帝起紫殿雕文刻鏤黼黻以玉飾之成帝永始四年

行幸甘泉郊泰時神光降於紫殿三輔黃圖武帝設雲帳雲幄雲幙於

甘泉紫殿世謂三雲殿西京雜記

泰時殿 元康四年三月詔曰廼者神爵五采以萬數集甘泉泰

時殿中及上林苑漢書宣帝本紀

通天臺 元封二年夏四月作甘泉通天臺漢書武帝本紀師古曰言此

臺高上通於天也漢舊儀曰高三十丈武帝本紀注通天臺去地百餘

丈望雲雨悉在其下去長安三百里望見長安城黃帝以來祭天

圓丘處武帝祭太一上通天臺舞八歲童女三百人置祠祀招仙

人祭太一令人升通天臺以候天神天神既下祭所若大流星乃

舉烽火而就竹宮望拜上有承露仙人掌擎玉盃承雲表之露

故事乃望通天之繹繹直堯峽以造天甘泉賦通天臺元鳳間自

桷化為龍鳳從風雨飛去亦曰候神臺又曰望仙臺

三輔黃圖

望風臺 太初二年起甘泉望風臺臺上得白珠如花一枝帝以

錦蓋覆之如照月矣因名照月珠

洞冥記

益壽館延壽館 公孫卿言仙人好樓居於是上令長安則作飛

廉桂館甘泉則作益壽延壽館使卿持節設具而候神人

漢書郊祀志

明光宮 武帝求仙起明光宮發燕趙美女二千人充之率取二

十以下十五以上年滿三十者出嫁之掖庭令總其籍時有死出

者隨補之

三輔黃圖○按雍錄漢有明光宮三一在北宮與長樂相連一在甘泉宮中一為尚書奏事之地黃圖于此係

之甘泉宮今從之

居室 衛青嘗從入甘泉居室

史記衛將軍傳

正義曰按居室署名武帝

改曰保宮灌夫繫居室是也

衛將軍傳注

竹宮 甘泉祠宮也以竹為宮天子居中漢舊儀云竹宮去壇三

里三輔黃圖

招仙閣

元鼎元年起招仙閣於甘泉宮西編翠羽麟毫為簾青

瑠璃為扇懸黎火齊為床其上懸浮金輕玉之磬閣上燒荃靡香

屑燒粒許其氣三月不絕進嶂嶮細棗昨之有膏膏可燃燈洞冥記

昆明池靈波殿

甘泉宮南昆明池中有靈波殿七間皆以桂為

柱風來自香帝既耽於靈怪常得丹豹之髓白鳳之膏磨青錫為

屑以蘇油和之照於神壇夜暴雨光不滅有雙蛾如蜂赴火侍者

舉麟鬚拂之述異記

高光宮

甘泉宮有高光宮

長安志

覽膠流於高光兮

甘泉賦

服虔曰

高光宮名也膠流曲折也

甘泉賦注

通靈臺

鈎弋夫人既殯香聞十餘里帝哀悼疑其非常人也乃

起通靈於甘泉常有一青鳥集臺上往來

漢武內傳

木園 甘泉宮有木園武帝時園也今俗呼為仙草園漢書郊

壽宮 武帝病瘡起幸甘泉置壽宮漢書郊祀志

洪厓宮旁皇觀儲胥觀弩佉宮俱在甘泉宮見長安志 迎風館見漢書 石闕觀

封巒觀鳩鵲觀露寒觀在甘泉宮外見甘泉賦

諸侯邸 故基在甘泉山雍勝畧 黃帝治明庭甘泉也方士多言古

帝王都甘泉者其後天子又朝諸侯甘泉甘泉有諸侯邸史記封禪書

棠梨宮 在甘泉苑垣外雲陽南三十里三輔黃圖

師得宮 師古曰師得宮在雲陽界漢書注

集靈宮集仙宮存仙殿存神殿望僊臺望仙觀一俱在華陰縣界皆

武帝宮觀名也三輔黃圖 華陰集靈宮武帝所造欲懷集仙者王喬赤

松子故名殿為存仙端門南向署曰望仙門後漢桓君山集靈宮賦序 敷水又

北逕集靈宮西張昶華嶽碑稱漢武慕其靈築宮在其後水經注

漢宮闕附考

鼎湖宮 黃圖鼎湖宮在湖城縣界晉灼曰在藍田

○按湖城今閿鄉縣是而馮賈馬三志俱序之於藍田殆遵晉說也 ○神光宮 揚子雲羽獵賦

入西園切神光注張宴曰神光宮名玉海 ○招靈閣 漢武帝元

鼎元年起招靈閣有一神女留一玉釵與帝帝以賜趙婕妤至

昭帝元鳳中宮人見此釵光瑩甚異共謀欲碎之明視釵匣唯

見白燕直升天去後宮人常作玉釵因名玉燕釵述異記

後漢

獻帝宮 在長安故城中本京兆府舍也長安志 獻帝聞關東兵起董

卓遷帝都長安見未央等宮遭赤眉之亂宮室廢弛故居京兆府

舍帝王世紀

晉

太極殿 晉愍帝之宮在長安南門後姚興重建周地圖記

西宮 劉曜命起鄧明觀立西宮晉書前趙載記

太極前殿 苻健入長安稱天王大單于繕宗廟社稷置百官僭即

皇帝位於太極前殿晉書前秦載記

東宮 苻健疾苻菁勒兵入東宮將殺苻生時生侍健疾菁迴攻東

掖門健聞變升端門陳兵執菁殺之晉書前秦載記

平朔門 苻健置來賓館於平朔門晉書前秦載記

雲龍門 清河王苻法率壯士入雲龍門廢苻生而立苻堅長安志

明光殿 明光殿者秦苻堅之殿也長安志有人入堅明光殿大呼謂

堅曰甲申乙酉魚羊食人悲哉無復遺堅命執之俄而不見晉書前秦

載記

露堂 苻堅將為赦與王猛苻融密議於露堂有大蒼蠅集筆端驅

而復來晉書前秦載記

明堂

符堅起明堂祀其伯健于明堂以配上帝

晉書前秦載記

東闕

符堅僭位五年鳳凰集于東闕

晉書前秦載記

西堂

車師前部鄯善王林密馱朝於秦堅賜以朝服引見於西堂

長安志

徽音堂

在惡犬城之外符氏造也

長安志

永安宮

姚萇宮也

長安志○按姚氏總符秦都長安稱為後秦云

東堂

姜龕淳于岐郭高等皆耆儒碩德興每於聽政之暇引龕等

於東堂講論道藝錯綜名理

晉書後秦載記

詔議堂

姚興常臨詔議堂聽決疑獄于時號無冤滯

晉書後秦載記

西宮

姚興立姚見子監國入居西宮

長安志

黃龍門

興之宮門也

長安志

秦王殿

在耀州北七十里今遺瓦殿基尚在

賈志

上有御池泉即古

鳳遊鄉也晉泰安元年苻堅將姚萇背堅起兵北地自立為王國
號秦秦王殿蓋始于此南三十里入淳化境又有萇按軍厰云耀州志

孝武帝宮

永熙三年高歡入洛宇文泰迎帝入長安以雍州公廨

為宮

北史魏孝武帝本紀

清暉室

魏文帝大統四年祀天於清暉室

長安志

陽武門

文帝大統五年十月於陽武門外縣鼓置紙筆以求得失

北史魏文帝本紀

憑雲觀

大統七年十二月帝御憑雲觀引見諸王敘家人之禮

北史

魏文帝本紀

萬壽殿

大統八年十二月行幸華州起萬壽殿於沙苑北

北史魏文帝本紀

紀

乾安殿

按長安志西魏有乾安殿周書閔帝紀會百官於乾安殿班賞各有差周承西魏都邑不改意此殿創自西魏而後周襲

之

後周

延壽殿

明帝元年九月朝羣臣於延壽殿

周書明帝本紀

正武殿

周明帝武帝並聽訟于正武殿

長安志

麟趾殿

蕭大圜恒以讀詩禮書易為事開麟趾殿招集學士大圜

預焉

周書蕭大圜傳

露門

武帝建德三年正月壬戌朝羣臣露門

周書武帝本紀

保定中置露

門學

玉海

大德殿

武帝天和三年八月帝御大德殿集百僚及沙門道士等

親講禮記

周書武帝本紀

咸陽宮 宣帝大象二年四月祈雨至咸陽宮周書宣帝本紀

醴泉宮 武帝天和二年五月行幸醴泉宮周書武帝本紀

天成宮 西魏太師宇文泰故居泰以同州扼關河之要既專政猶

時居州後孝閔帝受魏禪改同州宮明帝有幸同州故宮詩至宣

帝大象二年改天成宮賈志

長春宮 在同州朝邑縣本周武帝作保定五年宇文護築隋開皇

中修之玉海高祖起義兵九月次長春宮唐書高祖本紀天晴宮柳暗長春

杜甫詩

雲陽宮 北史後周有雲陽宮玉海

紫極宮重陽閣大武殿津門露寢右寢崇信殿肅章門魯義殿舍仁

殿雲和殿思齊殿青城門太極殿天臺正陽宮青門露寢天興宮應

門天德殿通道觀軍器監崇義宮連珠殿雲和樓以上皆後周所有見長安志

大興京城

開皇三年六月詔左僕射高潁等創造新都於龍首山

十二月名新都曰大興城三年三月入新都

隋書文帝本紀

開皇三年置

雍州城東西十八里一百一十五步南北十五里一百七十五步

東面通化春明延興三門南面啓夏明德安化三門西面延平金

光開遠三門北面光化一門里一百六市二

地理志

隋文帝開皇二

年自故都徙其地在漢故城之東南屬杜縣周之京兆郡萬年縣

界

長安志

宇文愷之營隋都也曰朱雀街南北盡郭有六條高坡象

乾卦六爻故於九二置宮殿以當帝王之居九三立百司以應君

子之數九五貴位不欲常人居之故置元都觀及興善寺以鎮其

地劉禹錫賦看花詩即此也

雍錄

大興立名之由傳者不一或曰隋

文帝嘗封大興故以名或曰宮之太極殿本大興材故因用其名

也或曰隋文夢洪水浸沒都城故改營大興洪水者高祖名淵故也數語未知孰是然常述謂本大興材名者其說近之蓋嘗有僧坐大木下曰此後當為宮殿大木即在大興殿基上也亦如漢高帝因長安鄉而立為都名也

同上

皇城亦曰子城東西五里一百一十五步南北三里一百四十步城中南北七街東西五街其間並列臺省寺衛自西漢以後至于宋齊梁陳並有人家在宮闕之間隋文帝以為不便於是皇城之內惟列市府不使雜人居止公私有辨風俗齊肅實隋文新意也

長安志

大興宮

隋文帝建以城名

馬志

隋都城中正宮以及正殿皆名大興

雍錄

大興殿

宮城之正殿也

馬志

開皇四年宴突厥高麗吐谷渾使者

於大興殿

隋書文
帝本紀

中華殿

在大興殿之後馬志

昭陽門

在大興殿之南開皇二年作初名唐陽門仁壽二年改

今名

馬志

建春門

大興宮之南門也後改通訓門

馬志

大興門

大興城之北門也後改乾福門

馬志

臨光殿

開皇元年二月上自相府常服入宮備禮即皇帝位於

臨光殿

隋書文
帝本紀

觀德殿

開皇二年十月上疾愈享百寮于觀德殿賜錢帛任其自

取盡力而出

隋書文
帝本紀

射殿

開皇六年九月上素服御射殿召百寮射

隋書文
帝本紀

文思殿

開皇十一年春正月皇太子妃元氏薨上舉哀於文思殿

隋書文
帝本紀

嘉則殿

開皇十三年二月宴考使於嘉則殿

隋書文
帝本紀

武德殿

開皇十九年大射武德殿宴賜百官

隋書文
帝本紀

允武殿

大業四年正月百僚大射於允武殿

隋書煬
帝本紀

崇德殿

大業五年二月上御崇德殿之西院愀然不悅顧謂左右

曰此先帝之所居實用增感情所未安宜于此院之西別營一殿

隋書煬
帝本紀

大業殿

大業十二年春正月夜有二大鳥似鵬飛入大業殿止于

御幄至明而去

隋書煬
帝本紀

宣仁門

開皇元年三月宣仁門槐樹連理衆枝內附

隋書文
帝本紀

建國門

大業六年正月有盜數十人入自建國門

隋書煬
帝本紀

端門街

大業六年正月角抵大戲於端門街天下奇技異藝畢集

終月而罷帝數微服往觀之隋書煬帝本紀○以上殿七門二街一皆在大興城中其位置未詳

東宮朝堂 在皇城内
馬志

長樂宮 京兆郡大興有長樂宮
隋書地理志 望春宮在西安府城東十

里隋文帝建煬帝改名曰長樂宮
馬志

仙都宮福陽宮 俱在長安縣
馬志 京兆長安有仙都福陽等宮
隋書地理志

志

儒林宮 在興平縣西十八里隋文帝置
馬志

太平宮 隋建在鄠縣東南三十里草堂寺東唐高祖避暑處
賈志

遊仙宮 在盩厔縣南三十五里舊圖經曰隋文帝避暑於此
馬志

宜壽宮 隋離宮在宜壽城中
賈志

崇業宮 在渭南縣東十五里煬帝大業二年建
馬志

醴泉宮 開皇七年二月車駕幸醴泉宮
隋書文帝本紀

仁壽宮

在鳳翔麟遊縣西五里

馬志

文帝詔楊素營仁壽宮於岐山

之北素奏宇文愷封德彝為土木監於是夷山堙谷以立宮殿崇

臺累榭宛轉相屬

通鑑

仁壽殿

在仁壽宮

馬志

大寶殿

仁壽四年七月上疾甚卧仁壽宮崩于大寶殿

隋書文帝本紀

岐陽宮

在鳳翔府城內開皇六年建

馬志

鳳泉宮安仁宮

俱隋之離宮也在鳳翔府郿縣

馬志

金城宮

華陰東三十里有隋金城宮

唐書地理志

普德宮

華州鄭縣有隋普德宮

唐書地理志

華陰宮

在華陰縣西十八里

馬志

華陰西有故隋華陰宮

唐書地理志

榆林宮

在勝州城內煬帝大業三年置因榆林郡為名煬帝北巡

陳兵塞表以威北狄因幸此宮突厥啓人可汗獻馬及兵器新帳

因賦詩云

元和志云唐勝州治即今榆林也

隋宮闕

景華宮

大業十二年五月上於景華宮徵求螢火得

數斛夜出遊山放之光遍巖谷

隋書煬帝本紀○馬志載之未詳所在

唐

京城

上都初曰京城天寶元年曰西京至德二載曰中京上元二

年復曰西京肅宗元年曰上都京城前直子午谷後枕龍首山左

臨灞岸右抵澧水

唐書地理志

貞元四年築夾城

德宗本紀

唐京城東西一

十八里一百一十五步南北一十五里一百七十五步周六十七

里郭中南北十四街東西十一街其間列置諸坊有京兆府萬年

長安二縣所治寺觀邸第編戶錯居焉當皇城朱雀門有南北

大街曰朱雀門街東西廣百步萬年長安二縣以此街為界萬年

領街東五十四坊

興道開化光福靖善蘭陵開明保寧安義務本崇義長興永樂靖安安善大業昌樂安德嗣義

光宅永昌來庭永興崇仁平康宣陽親仁永寧永崇昭國建昌通善通濟長樂大寧勝業安邑宣平昇平修仁脩政曲池青龍興寧

永嘉興慶道政常樂靖恭新昌昇道修德及東市長安領街西五十四坊立政收化豐

永達道德光行延祚太平通義興化崇德懷真宣義豐安昌明安樂修德輔興頌政布政延壽光德延康崇賢延福永安敦義大通

大安安定休祥金城醴泉懷遠長壽嘉會永平通軌歸義昭行及修真普寧義寧居德羣賢懷德崇化豐邑待賢永和長安和平

西市長安志。按長安志載萬年所領之五十四坊今缺其二而在萬年所領五十四坊之內而失其地望也咸陽有六岡如乾之六爻唐時宮殿皆在

九二岡上而作太清宮於九五岡上百官府在九四岡上天祿識餘

明德門南面三門中曰明德六典北當皇城朱雀門南出抵終南

山八十里長安志

啓夏門南面三門東曰啓夏六典門外西南二里有圓丘先農藉

田三壇按長安圖東南角有進芳門長安志

安化門南面三門西曰安化六典

古蹟一

通化門

東面三門北曰通化門至德三載改為達禮門尋復舊

長安志

李義琰致仕公卿以下悉祖餞通化門外時人比漢疏廣

唐書

李義琰傳

通義東有長樂陂下臨漣水

雍錄

春明門

東面三門中曰春明

六典

開元十七年五月侍臣以下燕

於春明門

實錄

延興門

東面三門南曰延興

六典

同昌公主墓懿宗與郭淑妃御

延興門哭送

長安志

開遠門

西面三門北曰開遠門

長安志

初太宗平薛仁果得隴上

地虜李軌得涼州破吐渾高昌開四鎮元宗總收黃河磧石宛秀

等軍中國無斥候警幾四十年輪臺伊吾屯田錢叔彌望開遠門

揭候題曰西極道九千九百里示戍人無萬里行也

唐書吐蕃傳

金光門

西面三門中曰金光

六典

韓朝宗天寶初為京兆尹分

水入金光門

唐書韓朝宗傳

西出趨昆明池也

長安志

延平門 北面一門曰光化門

六典

皇城 在京城之中其中左宗廟

在安上門內之東

右社稷

在含光門之東

百僚廨

宇列乎其間凡省六寺九台一監四衛十有八東宮官屬凡府一

坊一寺三率府十

六典

朱雀門

皇城南面三門中曰朱雀門北當宮城之承天門南當

外郭之明德門

長安志

隋制士庶不得雜居朱雀門之內故宗廟官

寺兵衛悉在焉

玉海

安上門

朱雀門東曰安上門至德三載改為光天門尋復舊

長安

志

含光門

朱雀門西曰含光門

長安志

景風門

東面二門南曰景風門

六典

延喜門

東面二門北曰延喜門直東當外郭之通化門

長安志

宣

宗二年八月河隴老幼千餘人詣闕下上御延喜門樓見之歡呼

舞躍解胡服襲冠帶觀者皆呼萬歲

通鑑

順義門

西面二門南曰順義門

長安志

安福門

西面二門北曰安福門西當外郭之開遠門

長安志

睿宗

先天二年正月十五日十六十七夜于京安福門外作燈輪高二

十餘丈衣以錦綺飾以金銀然五萬盞燈望之如華樹宮女千數

衣羅衣曳錦繡耀珠翠施香粉一華冠皆至萬錢裝束一妓女皆

至三百貫妙簡長安萬年少年婦千餘人衣服花釵媚子亦稱是

于燈輪下踏歌三日夜歡樂之極未始有之

朝野僉載○按唐京城皇城及諸門皆仍

隋舊無所變更今所敘述于隋從畧而于唐從詳者以唐之古跡最多于考據為便也

西內太極宮

宮城在皇城之北長千四百四十步廣九百六十步

周四千八百六十步其崇三丈有半唐書地理志宮城東西四里南北

二里二百七十步周十三里一百八十步南即皇城城北抵苑東即

東宮西有掖庭宮長安志龍朔後皇帝常居大明宮乃謂之西內神

龍元年改曰太極宮玉海太極宮者隋大興宮也諸帝多居大明宮

或遇大禮大事復在太極如高宗元宗每五日一御太極有初即

位不于大明而于太極者知太極尊於大明也雍錄按西內有三城

外一重曰京城外郭城也中一重曰皇城惟列府市不使雜人居

止又內一重是曰宮城則今之省城正真宮城之地所謂六爻九

二之地也雍勝畧

承天門 正殿南承天門隋開皇三年作初名曰廣陽門仁壽元

年改曰昭陽門唐武德元年改曰順天門神龍元年改爲承天門

外有朝堂東有肺石西有登聞鼓長安志元正冬至大陳設宴會赦

過省罪除舊布新受萬國之朝貢四夷之賓客御承天門以聽政
六典鑾駕出宮守宮設從駕之官五品以上次于承天門外東西朝

堂

杜氏通典

長樂門重福門

一作重門

永春門

承天門之東曰長樂門北入恭禮

門又北乾化門則宮內也

六典注

次東曰重福門即東宮之正門門

東西有左右永福門次東曰永春門

長安志

廣運門永安門

承天門之西曰廣運門永安門

六典注

廣運門內

有左藏庫次北有舊右藏庫後有中書省西北有武庫北入安仁

門又北肅章門門內入宮中

長安志○按廣運門長安志序入長樂門之東六典注云在承天門之西

今即所入之門考之則安仁肅章皆在西則入自廣運者不應由承天門內之東道曲折西向而趣安仁肅章以入宮中六典注是

也從之

鳳凰門

西內東面一門曰鳳凰門隋曰建春門後改通訓門明

皇時鳳凰飛集通訓門詔改曰鳳凰門

長安志

通明門嘉猷門

西面二門南曰通明門北曰嘉猷門

長安志

定武門安禮門元德門

北面三門正北曰定武門次東曰安禮

門東宮北門曰元德門

長安志

嘉德門

太極門外承天門之內曰嘉德門

長安志

鑾駕還宮至承

天門外侍臣下馬駕入嘉德門太樂令令撞蕤賓之鍾鼓祝奏采

茨之樂

杜氏通典

歸仁門

嘉德東廊有歸仁門

長安志

元正冬至受朝賀太師率其

屬受諸州及諸蕃貢物出歸仁納義門執物者隨之

唐書禮志

納義門

嘉德西廊有納義門

長安志

太極門

當承天門內北曰太極門隋曰大興門後改曰乾福門

貞觀八年改為太極門東隅有鼓樓西隅有鐘樓貞觀四年置

長安

志 鑾駕至太極門曼啟樂止入太極門鼓祝奏太和之樂杜氏通典

太極殿 武德元年五月甲子即皇帝位于太極殿唐書高祖本紀太極

門內曰太極殿朔望則坐而視朝焉六典蓋古之中朝也隋曰大興

殿武德元年改太極殿有東西上二閣門六典東上閣在太極之

東西上閣在太極之西馬志

左延明門 太極殿東廊有左延明門長安志

右延明門 太極殿西廊有右延明門長安志刑部郎中以時令置

於案覆以帟令史二人俱公服對舉案立於右延明門內道北郎

中立於案後杜氏通典

門下省 在左延明門東南長安志

中書省 在右延明門東南長安志時謂尚書省為南省門下中書

省為北省亦謂門下省為左省中書省為右省或通謂之兩省

弘文館 在門下省東兩京記 武德四年置修文館於門下省九年

改曰弘文館神龍元年改曰昭文館以避孝敬皇帝之名唐書官志

史館 在門下省北貞觀三年置秘書內省以脩五代史又置史

館以編國史尋廢秘書內省長安志

朱明門 太極殿北曰朱明門六典

乾化門 朱明門左曰乾化門六典

肅章門 朱明門右曰肅章門六典

暉政門 肅章門西曰暉政門長安志

武德門 乾化門東曰武德門長安志

武德殿延恩殿 武德門內有武德殿延恩殿六典武德殿在西內

乾化門東北兩京記

兩儀門 朱明門北曰兩儀門六典

兩儀殿

兩儀門內曰兩儀殿常日聽朝而視事焉六典蓋古之內

朝也

六典注

兩儀殿在太極殿後隋曰中華殿至貞觀五年改

長安志

太宗破突厥於兩儀殿宴突利可罕賦七言詩栢梁體

兩京記

中宗

宴兩儀殿令胡人唱合笙平一上書曰兩儀殿者陛下受朝聽訟

之所不宜以倡優媒狎

唐書武平一傳

萬春殿

兩儀殿之東曰萬春殿

六典

新殿

兩儀殿西有新殿

長安志

千秋殿

兩儀殿之西曰千秋殿

六典

獻春門

兩儀之左曰獻春門

六典

宜秋門

兩儀之右曰宜秋門

六典

百福門

宜秋之右曰百福門

六典

百福殿

百福門內曰百福殿宣宗改雍和殿內有親親樓諸王

宴會之所也

長安志

百福殿在太極宮中公主院西

兩京記

大中元年

敕修百福殿八十間

要會

承慶門

百福之西曰承慶門

六典

承慶殿

承慶門內曰承慶殿

六典

中宗景龍二年七月御承慶殿

慮囚徒

舊唐書中宗本紀

立政門

獻春之左曰立政門

六典

立政殿

立政門內曰立政殿

六典

大吉門

立政之東曰大吉門

六典

大吉殿

大吉門內曰大吉殿

六典

甘露門

兩儀之北曰甘露門

六典

門外有東西永巷東出橫門又

東有日華門西出橫門又西有月華門院北有東西千步廊西有

掖庭

長安志

甘露殿

甘露門內曰甘露殿

長安志

中宗令諸學士入甘露殿其

北壁列書架

景龍文館記

太和二年修兩儀殿及甘露殿一百七十二

問會要

神龍門

甘露左有神龍門

長安志

神龍殿

神龍門內曰神龍殿在武德殿後

長安志

安仁門

甘露右曰安仁門

長安志

安仁殿

安仁門內曰安仁殿在甘露殿西

長安志

佛光寺

乾化門內佛光寺在神龍殿西

長安志

觀

在安仁殿後觀後有絲綵院

長安志

淑景殿

絲綵院西淑景殿殿西有第三落次西第四落又次西

第五落

長安志

延嘉殿

在甘露殿近北殿南有金水河往北流入苑

長安志

咸池殿

在延嘉西

馬志

承香殿

延嘉北有承香殿殿東即元武門北入苑

長安志

昭慶殿

在承香殿西

馬志

凝香閣

在昭慶殿西

馬志

鶴羽殿

在凝香閣西

馬志

景福臺

在延嘉殿西北

馬志

望雲亭

景福臺西有望雲亭

長安志

紫雲閣

在延嘉殿東

馬志

閣西有南北千步廊舍南至尚食院西

北盡宮城閣南有山水池

長安志

尚食內院

在紫雲閣南

馬志

凝陰殿

在紫雲閣西

馬志

天寶七載旱元宗於凝陰殿令葉靖天

師祀鏡龍遂得甘雨

異聞集

凌烟閣

凝陰殿南有凌烟閣

長安志

凌烟閣畫功臣皆北向

南部新書

功臣閣

在凌烟閣之西東有司寶庫

長安志

毬塲亭子

一作鞠塲亭子

凝陰之北有毬塲亭子

長安志

弘文殿觀雲殿

俱在凝陰殿之北

馬志

四海池

一在毬塲亭之東一在咸池殿之東一在望雲亭之西

一在望雲亭之北

雍大記

掖庭

永安門西有掖庭

長安志

內侍省

掖庭南隅有內侍省

長安志

興仁門宣猷門崇道門惠訓門昭德門安禮門正禮門宣光門通

福門光昭門嘉猷門華光門暉儀門壽安門綬福門翔鳳殿薰風

殿就日殿咸池殿臨照殿望仙殿鶴仙殿乘龍殿翔鳳閣

以上並見六典

東宮

在太極宮中自承天門而東其第三門曰重明門即東宮

正門也長安志馬周上疏曰伏見大安宮居在城之西東宮皇太子

居之而在內會要○按東宮在太極宮中故不別列

重明門見太極宮在宣明門南外有東宮朝堂在焉

宣明門嘉德正南有宣明門長安志

嘉德門明德殿南有嘉德門長安志

左永福門嘉德門外東廊有左永福門長安志

右永福門嘉德門外西廊有右永福門長安志

明德殿東宮正殿曰明德殿長安志武德九年八月太宗即位於

東宮明德殿會要即顯德殿中宗諱顯為太子時改曰明德玉海

左嘉善門明德殿東廊左嘉善門長安志

右嘉善門明德殿西廊右嘉善門長安志皇太子正至受賀四部

伎立於左右嘉善門外杜氏通典

東奉化門

嘉德門東有東奉化門

長安志

宜春宮

奉化門北有宜春宮

長安志○按馬志云在嘉德殿東北有宜春門

典膳厨

在宜春門外道東

馬志

命婦院宜春北院

在宜春門外道西

馬志

左春坊

龍朔二年改門下坊為左春坊

杜氏通典

東宮宜春宮門外

有左春坊

玉海

崇文館

左春坊南有崇文館

玉海

西奉化門

嘉德西有西奉化門

長安志

宜秋宮

奉化門北有宜秋宮

長安志○馬志云宮北有宜秋門

右春坊

龍朔二年改典書坊為右春坊

杜氏通典

東宮宜秋宮門外

有右春坊

玉海

崇教殿

右春坊內有崇教殿

玉海

麗正殿 在東宮崇教殿之北光大殿之南集賢注記開元改為集仙

殿十三年改為集賢殿長安志

光大殿承恩殿崇文殿崇仁殿八風殿射殿亭子山池佛堂院左

右長林門以上見長安志

掖庭宮 宮城東西四里南即皇城北抵苑掖庭西門貞觀二年勅

左丞戴胄於掖庭西門簡宮人出之按掖庭宮蓋高祖所起宮人

教藝之所也長安志

大安宮 在宮城外西偏太宗嘗獵昆明池獻獲於大安宮蓋自昆

明東歸之路也錄長安縣有大安宮本弘義宮唐書地理志武德七年

五月營弘義宮初秦王居宮中承乾殿高祖以秦王有克定天下

之功建弘義宮以居之至九年七月高祖以弘義宮有山林勝境

雅好之正觀三年四月乃徙居之改為大安宮會要

垂拱前殿

在大安宮正觀九年五月太上皇崩于垂拱前殿

賈志

戢武殿

太宗與公卿謁太上皇于戢武殿置酒為歡乙夜方散

實錄○按長安志殿在大安宮

翠華殿

在大安宮東北遺址尚存俗云祭酒臺

賈志○按長安志大安宮有文

殿

東內大明宮

在省城東北今含元殿故基高四十餘尺去城三里

殿基前有翔鳳閣栖鳳閣二基猶存

雍勝畧

上都大明宮在禁苑東

南南接京城之北面西接宮城之東北隅長千八百步廣千八十

步

唐書地理志

初高宗命司農少卿梁孝仁製造此宮北據高原南望

樊磴每天晴日朗望終南山如指掌京城坊市街陌俯視如在檻

內

長安志

大明宮本太極宮之後苑東北面射殿也地在龍首山上

太宗初於其地營永安宮以脩太上皇清暑九年正月雖嘗改名

大明宮然太上皇仍居大安不曾徙入也龍朔二年高宗染風痺惡太極宮卑下故就修大明宮改名蓬萊取殿後蓬萊池為名也長安五年又改為大明宮長安志敘載其地比太極宮承天門則退北三坊地而中析之以為六坊中六坊地以為丹鳳中門正街可達承天南即朱雀正街矣其百司庶府居民第宅悉仍大興都城之舊無所更易故東內大明雖曰創營而朝市悉仍隋舊無所增移也雍錄

丹鳳門南面五門正南曰丹鳳門六至德三年改為明鳳門尋

復舊名長安志其南則丹鳳啓途陰陽睢盱容鼎七局方駕五車李華

含元殿賦丹鳳門正面南山氣勢若相高下遺址屹然可辨聞見後錄

望仙門延政門丹鳳門東曰望仙門次曰延政門六望仙門貞

元中修有樓十間延政門抵長樂之坊北長安志

建福門興安門

丹鳳門西曰建福門次曰興安門

典故事建福

望仙等門昏而閉五更而啓至德中勅晚開元和二年令有司各

據班品置待漏院於建福門外

會要

望仙建福二門內各有下馬橋

跨東西龍首渠

長安志

太和門

東面一門曰太和門

長安志

日營門

西面一門曰日營門

長安志

元武門銀漢門凌霄門

北門曰元武門德宗造門樓外設兩廊

持兵宿衛謂之北衙元武門左曰銀漢門右曰凌霄門

長安志

貞觀

十二年置左右屯營於元武門領以諸衛將軍

唐書兵志

神龍元年改

元武門爲神武制勝樓貞元五年正月班宏修元武樓

會要

含元殿

丹鳳門內正殿曰含元殿

六典

龍朔三年移伏就蓬萊宮

新作含元殿長安元年改爲大明殿神龍元年復爲含元

會要

含元

路寢大朝會之所御也唐書五行志含元殿南去丹鳳門四百餘步中

無間隔左右寬平東西廣五百步長安志殿前龍尾道自平地凡詰

曲七轉由丹鳳北望宛如龍尾下垂於地兩垠欄悉以青石爲之

賈黃中談錄龍尾道出於闕前每朝會禁軍御仗宿于殿庭金甲葆戈

雜以綺繡羅列文武纓珮序立仰觀玉座若在霄漢劇談錄王仁裕

曰含元殿前玉階三級第一級可高二丈許每間引出一石螭頭

東西鱗次第二第三級各高五尺三級以自上而下爲次蓮花石頂亦存級

兩面龍尾道各六七十步方達第一級皆花磚雍錄

翔鸞閣上元元年御翔鸞閣觀酺會要含元殿東南有翔鸞閣長安志

志

棲鳳閣含元殿西南有棲鳳閣長安志夾殿兩閣左曰翔鸞右曰

棲鳳典與殿飛廊相接閣下即朝堂肺石登聞鼓如承天之制六典

注

鐘樓鼓樓左右金吾仗

殿東南西南有鐘樓鼓樓又有金吾左

右伏院

長安志

通乾門

夾殿東有通乾門

六典注

百官序班于通乾觀象門

唐書儀衛

志

觀象門

夾殿西有觀象門

六典注

宣政門

含元殿北有宣政門

六典

百官入宣政門文班自東門入

武班自西門入

唐書儀衛志

齊德門

宣政門外東廊有齊德門

長安志

興禮門

宣政門外西廊有興禮門

長安志

宣政殿

宣政門內曰宣政殿

六典

含元殿後有宣政殿即正衙殿

也朔望大冊拜則御之

兩京記

高宗永隆二年以太子立欲會羣臣

命婦合宴宣政殿袁利正上疏曰前殿正寢象闕路門非命婦宴會倡優進御之所帝從之會宣政殿殿東有東上閣門殿西有西

上閣門長安志

日華門 宣政殿前東廊曰日華門長安志

門下省 日華門東有門下省長安志門下省在日華門名左掖亦

名東省雍錄

弘文館 在門下省東馬志

待制院 閣本圖待制有院在宣政殿之東少陽院之西蓋放漢

世待詔立此官稱也武后名盟故凡詔皆改爲制而待詔亦爲待

制也雍錄

少陽院 長慶元年於門下省東少陽院築牆及樓觀雍錄○按

典及長安志俱不著其位置今據雍錄所載合以呂閣本圖考之則待制當在弘文館之東北史館西北而少陽之正西也少陽當

在待制之東而史館之北
微西也附之以俟考訂

史館 弘文館次東史館館東南北街南出含耀門門南曰昭訓

門北曰崇明門

長安志

月華門 宣政殿前西廊曰月華門

長安志

中書省 在月華門名右掖亦名西掖

錄

月華門西有中書省省

西南北街南出昭慶門南當光範門昭慶門北曰光順門

長安志

政事堂 在東省屬門下至中宗時裴炎以中書令執政徙政事

堂於中書省杜甫為左拾遺作紫宸殿退朝詩云宮中每出歸東

省會送夔龍集鳳池鳳池者中書也杜為左拾遺在肅宗時則政

事堂已在中書矣故出東省而集西省者就政事堂見宰相也

錄

御史北臺 御史府故事於中書之南常有理所太和四年於政

事堂直阡之南選地以作之號中書南院院門北關嚮朝廷也

者命為御史北臺舒元興御史臺中書院記

殿中內省 中書省北曰殿中內省長安志

命婦院 在殿中內省西馬志

親王待制院 在殿中內省北馬志

思政殿 延英殿相對有思政殿長安志 長慶四年高重崔郾高鉞

于思政殿中謝郾奏曰臣職侍講未嘗召問經義上賜錦綵銀器

會要○按思政與延英相對則延英在宣政西上閣之西似思政亦宜在宣政東上閣之東也今附識之

延英門 宣政之右西上閣次西曰延英門六陽城以諫議大夫

率拾遺王仲舒等數人守延英門上疏論裴延齡張萬福聞諫官

伏閣諫趨至延英門大言曰朝廷有直臣天下必太平矣玉海

延英殿 延英門內之左曰延英殿六典按六典會要延英在西上

閣之西而李庚賦乃曰左閣當宸誤矣會要穆宗元和十五年詔

于西上閣門西廊西畔開便門以通宰臣自閣中赴延英路則不

在紫宸東矣

玉海

肅宗時梁上生玉芝一莖三花僖宗改為靈芝殿

自蜀還復舊名

長安志

延英靈芝殿也謂之小延英苗韓公居相位

以足疾步驟微蹇上每於此待之

尚書故實

含象殿

延英門內之右曰含象殿

六典

紫宸門

宣政殿北曰紫宸門

六典

敬宗長慶四年見羣臣於紫宸

門外

舊唐書敬宗本紀

紫宸殿

紫宸門內曰紫宸殿即內朝正殿也

六典

宣政前殿也謂

之衙衙有仗紫宸便殿也謂之入閣其不御前殿而御紫宸也乃

自正衙喚仗由閣門而入百官候朝于衙者因隨以入見故謂之

入閣自乾符已後因亂禮闕天子不能日見羣臣而見朔望故正

衙常日廢仗而朔望入朝有仗其後習見遂以入閣為重至出物

前殿猶謂之入閣

錄

明義殿

在紫宸殿西

長安志

蓬萊殿

紫宸殿北曰蓬萊殿

六段秀實對蓬萊殿代宗問所以

安邊者畫地以對

唐書段秀實傳

綾綺殿

在蓬萊東

玉海

浴堂門

李吉甫圖上河北險要所在帝張于浴堂門

玉海○按雍錄浴堂

在紫宸殿之東則門當附殿以出也

浴堂殿

館本圖在綾綺殿南

玉海

館本唐圖則有浴殿而殿之位

置乃在綾綺殿南也綾綺者長安志曰在蓬萊殿東也而元微之

承旨廳記又有可證者其說曰乘輿奉郊廟則承旨得乘厖馬自

浴殿由內朝以從夫內朝者紫宸殿也則浴堂之可趨內朝也內

朝之必趨丹鳳門也其理固已可必矣又謂殿在蓬萊殿東即與

紫宸殿相屬又可必矣

雍錄

珠鏡殿

在綾綺殿北

馬志

大角觀

在珠鏡殿東北

長安志

清暉閣

在蓬萊殿之西

馬志

還周殿

蓬萊殿西曰還周殿

兩京記

承歡殿

在還周南

長安志

金鑾殿

還周西北曰金鑾殿

兩京記

金鑾坡者龍首山之支隴隱

起平地而陂陀靡迤者也其上有殿名為金鑾殿在蓬萊山西微

南

雍錄

金鑾御院

在金鑾殿西南

馬志

東學士院

帝執誼故事曰置學士院後又置東學士院於金鑾

殿之西李肇志亦曰德宗移院於金鑾坡西石林葉氏曰俗稱

林學士為坡蓋德宗時嘗移學士院於金鑾坡故亦稱坡此其說是也而謂為移院者則亦失實蓋德宗造院於金鑾坡上是即此坡而別建一院耳以其在開元學士院之東故命為東翰林院而失開元創立之院在右銀臺門內者元不曾廢也即諸家謂移院者皆誤也

雍錄○按會要有東翰林院在金鑾殿之西即此是也

長安殿

在金鑾殿西南蓬萊西

兩京記

仙居殿

長安殿北曰仙居殿

兩京記

麟德殿

仙居西北有麟德殿此殿三面故以三殿名南有閣東

西皆有樓殿北相連各有障日閣內宴多在於此

兩京記

三院即三

殿也結璘樓即三殿之西廊也爵儀樓即三殿之東廊也爵儀又

東即寢殿矣爵儀結璘皆是重廊翰林院學士院皆在三殿西廊

之外

雍錄

東亭會慶亭

在麟德殿北

馬志

含涼殿

蓬萊後有含涼殿

長安志

龍朔二年睿宗生於蓬萊宮含

涼殿

會要

太液池

一作蓬萊池

含涼殿後有太液池池內有太液亭子穆宗時命

侍講韋處厚等入講毛詩尚書又命纂集尚書中君臣事跡令刊

於太液池以脩觀覽

長安志

蓬萊池亦名太液池中有蓬萊山

雍勝畧

左銀臺門

在宮城東面

馬志

紫宸之東曰左銀臺門

六典

貞元十二

年左右十軍使奏鑾駕去冬幸諸營於銀臺門外立碑紀聖迹

會要

右銀臺門

在宮城西面

馬志

紫宸殿西曰右銀臺門

六典

憲宗戒有

貢獻毋入右銀臺門以避學士

唐書錢徽傳

內侍省

近右銀臺門

馬志

右藏庫

近右銀臺門

馬志

翰林門 在大明宮右銀臺門內稍退北有門榜曰翰林之門其制高大重複號為胡門門東向

雍錄

學士院 翰林門直西為學士院院有兩廳南北相沓而各自為

門旁有板廊自南廳可通北廳又皆南向院各五門北廳從東來

第一間常為承旨閣餘皆學士居之廳前墻砌花磚為道南廳本

駙馬張垧為學士時以居公主此其畫堂也後皆以居學士其東

西四間皆為學士閣中一間不居

薛錄

學士院者置在翰林院之南

別戶東向自建院後韓雄李白之徒並在舊翰林院中假其名而

無職其入直者並以文詞共掌詔敕自此北翰林始無學士之名

會要

翰林院 學士院北廳又北則為翰林院

雍錄

翰林院者初置在銀

臺門內麟德殿西廂重廊之後

會要

少陽院

翰林院又北則爲少陽院

雍錄。按此在宮西別有門下省少陽院

九仙門

翰林門北曰九仙門

長安志

拾翠殿

在翰林院北

馬志

拾翠殿在大明宮

六賦詩

拾翠殿

杜甫詩

大福殿三清殿含氷殿

俱在翰林院北九仙門內

馬志

承香殿

在含氷殿東南

長安志

長閣

在承香殿北

馬志

紫蘭殿

在承香殿東北

長安志

元武殿

在紫蘭東北

長安志

凝霜殿碧羽殿紫簫殿欝儀閣承雲閣修文閣俱在宮垣之外兩

邊掖門內

馬志

五王內院

宣宗時夔王以下五王居大明宮內院侍讀五日

入乾符門講讀

長安志

問安宮 昭宗傳位於太子居東內爲問安宮 長安志

飛霜殿 太宗貞觀二十年七月宴五品以上於飛霜殿絲竹遞

奏羣臣上壽賜綾錦殿在元武門北因地形高敞層閣三成引水

爲潔淥池以滌炎暑 實錄

觀德殿 元武門之外有殿曰觀德 玉海 總章元年十月癸丑文武

官獻食賀破高麗帝御元武門之觀德殿宴百官設九部樂賜帛

實錄

白華殿 建中四年十月涇原節度使姚令言兵變入大明宮迎

朱泚含元殿戊申徙白華殿晟後收長安亦自白華門入諸家不

載何地以晟兵所屆言之當在大明東苑之東 雍錄

集賢院 開元十一年分置此院大明宮外院內東西八十步南

北六十九步院中有仰觀臺即一行師占候之所 玉海

教坊 唐紀曰元宗置左右教坊於蓬萊宮側帝自為法曲俗樂

以教宮人號皇帝梨園弟子

長安志

魚藻宮

禁苑池中有山山上建魚藻宮在大明宮北

玉海

順宗為太

子嘗侍宴魚藻宮張水嬉彩艦宮人為權歌眾樂間發德宗歡甚

顧太子曰今日何如太子誦詩好樂無荒以對

唐書順宗本紀

南內興慶宮

興慶宮在皇城東南距京城之東開元初置至十四

年又增廣之謂之南內

唐書地理志

初上在藩邸與宋王成器等同居

興慶里人號曰五王宅至是為宮焉

會要

舊史開元元年以隆慶舊

邸為興慶宮在隆慶坊元宗名隆基改興慶宮

玉海

開元二十年築

夾城入芙蓉園自大明宮夾東羅城經通化門以達此宮又經春

明延喜門至曲江芙蓉園而外人不之知也

長安志

興慶門金明門

宮之西曰興慶門次南曰金明門

六典

通陽門 宮之南曰通陽門

長安志

躍龍門

一作躍龍

宮之北曰躍龍門

長安志

勤政務本樓

先天後以隆慶舊邸為興慶宮於宮西南置樓南

曰勤政務本之樓

唐書讓皇帝傳

元宗教舞馬百匹舞於勤政樓下後賜

宴設醕亦於勤政樓

樂志

花萼相輝樓

置宮後寧王憲申王撝岐王範薛王業邸第相望

環於宮側明皇因題花萼相輝之名取詩人棠棣之義帝時登樓

聞諸王音樂咸召升樓同榻宴謔

長安志

大同門

勤政樓之北曰大同門

長安志

大同殿

大同門內曰大同殿

六典

殿左右有鐘樓鼓樓天寶七載

大同殿柱產玉芝有神光照殿

長安志

翰林院

大同門西金明門內曰翰林院

長安志

駕往興慶宮則置

院金明門內

學士院記

明義門

通陽門東曰明義門

長安志

長慶殿

明義門內曰長慶殿按唐雜記曰明皇為太上皇居興

慶宮每置酒長慶樓南俯大道裴回觀覽

長安志

明光門

通陽門北入曰明光門

六典太和三年修明光樓要

龍池

景龍池本為隆慶池以諱元宗名改興慶池立宮後謂之

龍池

莊勝畧

興慶池在隆慶坊本是平地垂拱後因雨水流潦成小

池近五王宅號為五王子池

景龍文館記

元宗隆慶坊舊宅有井忽湧為

小池周袤十數丈常有雲龍或黃龍出其中景雲間浸廣里中人

悉移居遂為龍池

六典

武后時民井溢浸成大池數十頃號隆慶池

丞相王子列第其北望氣者言嘗鬱鬱有帝王氣中宗神龍五年

幸池上宴侍臣以厭之

長安志

龍堂 明光門內曰龍堂

六典○按馬志龍堂在龍池中六典

瀛洲門依其方向求之則可知龍池在明光門之內而馬志龍堂在龍池內之說是也長安志謂明光門內為龍堂而言龍池在躍

龍門南誤矣

沉香亭

龍池東有沉香亭

長安志

開元中禁中初種木芍藥得四

本上因移於興慶池東沉香亭前

松摠錄

禁中木芍藥開上賞之妃

子從帝曰賞名花對妃子焉用舊樂詞為命李龜年持金花牋賜

李白為清平樂詞梨園子弟撫絲竹李龜年歌之上親調玉笛以

倚曲每曲遍將換則遲其聲以媚之太真以玻璃七寶盃酌西凉

葡萄酒笑飲

唐詩記事

瀛洲門

興慶殿前曰瀛洲門

長安志

南薰殿

瀛洲門內曰南薰殿

長安志

興慶殿

宮內正殿曰興慶殿即正衙殿也在通陽門北

長安志

乾

元元年二月乙巳上御興慶殿奉上帝徽號冊舊唐書肅宗本紀

交泰殿興慶殿後有交泰殿長安志天寶十載四月興慶宮造交

泰殿成會要

仙雲門瀛洲之左曰仙雲門六典

新射殿仙雲門內曰新射殿六典

芳苑門濯龍門左曰芳苑門六典

麗苑門濯龍門內右曰麗苑門六典

金花洛在宮之東俗所傳蓋衛士居長安志

義安殿敬宗母王太后居義安殿長安志○按以下殿門雖在宮內俱未詳其方向

冷井殿懿母郭太后崩宮之冷井殿長安志

宣天門睿武門見長安志同光門承雲門初陽門飛軒門玉華門俱見六典

飛仙殿同光殿榮光殿見六典

通義宮 興慶寺通義坊本高祖舊宅武德元年為宮貞觀元年為

尼寺玉海武德六年四月幸潛龍舊宅改為通義宮置酒高會會要

太清宮 天寶二年改西京混元宮曰太清宮唐書元宗本紀開元二十九

年詔兩京及諸州各置元元皇帝廟一所後改為太清宮太清以

白石為元元皇帝真像袞冕之服當宸南向元宗肅宗真容侍立

左右雍錄

望春宮 京兆萬年縣有望春宮臨澧水西岸有北望春宮宮東有

廣運潭唐書地理志姚南仲代宗時上疏曰王者必據高明燭幽隱先

皇所以因龍首而建望春也姚南仲傳

翠微宮 一名太和宮武德八年造名太和在終南山貞觀二十一年改翠

微宮雍錄翠微宮籠山為苑自初裁至於設幄九日而罷功因改名

翠微宮正門北開謂之雲霞門視朝殿名翠微殿其寢殿名含風

殿并為皇太子構別宮去臺連延里餘正門西開名金華門內殿

名喜安殿

冊府元龜

望賢宮

在咸陽縣東數里元宗幸蜀還京肅宗至望賢宮奉迎德

宗西幸又自望賢宮出奉天也

雍錄

萬全

一作泉

宮

永淳元年七月作萬泉宮

唐書高宗本紀

儀鳳三年於藍田

作涼宮名萬全宮弘道元年廢

會要

華清宮

在臨潼縣南

雍勝畧

京兆府昭應縣有宮在驪山下貞觀十

八年置咸亨二年始名溫泉宮天寶六載更溫泉曰華清宮宮有

湯井為池環山列宮又築羅城置百司及十宅

唐書地理志

溫泉在驪

山與帝都密邇自秦漢隋唐人主皆嘗遊幸惟元宗特侈蓋即山

建宮百司庶府皆行各有寓止自十月往至歲盡乃還大抵宮殿

包括驪山一山而繚牆周徧其外觀風殿有複道可以潛通大明

華清宮殿廢已久今所存惟繚垣而已天寶所值松栢徧滿崖

谷望之鬱然賈氏談錄

北門 華清宮北向正北門外有左右朝堂門北相對有望仙橋

北有左右講武殿長安志

津陽門 宮北正門之內曰津陽門門外有弘文館長安志

開陽門 宮之東面正門也門外有宜春亭長安志

望京門 宮之西面正門也門外近南有御交道上嶺通望京樓

長安志

昭陽門 宮之南面正門也今謂之山門門外有登朝元閣路本

唐之御輦便路也長安志

瑤光樓 津陽門之東曰瑤光樓樓南有小湯長安志小湯之西有

梨園臨潼縣志

飛霜殿

瑤光樓南曰飛霜殿寢殿也白少傅以長生殿為寢殿

非也

長安志

御湯九龍殿

在飛霜殿之南亦名蓮花湯

長安志

元宗幸華清新

廣湯池制作宏麗安祿山於范陽以白玉石為魚龍鳧鴈石梁石

蓮花以獻雕鐫巧妙殆非人工上大悅命陳於湯中仍以石梁橫

亘其上而蓮花纔出水際上因幸解衣將入而魚龍鳧鴈皆若奮

鱗舉翼狀欲飛去上甚恐遽命撤去而蓮花石至今猶存焉

明皇雜錄

湯泉凡一十八所第一是御湯周環數丈悉砌以白石瑩徹如玉

面皆隱起魚龍花鳥之狀四面石坐階級而下中有雙白石蓮泉

眼自甕口中湧出噴注白蓮之上

賈氏談錄

玉女殿 今名星辰南有玉女殿殿北有虛閣閣下即湯泉二玉

石甕湯所出也

長安志

驪山湯舊說以三牲祭乃得入可以去疾消

病不爾即爛人肉俗云始皇遇神女戲不以禮神女唾之生瘡始皇怖謝為出溫泉洗除後人因以為驗三秦記

日華門

由蓮花湯而西曰日華門門之南曰太子湯臨潼志

少陽湯

太子湯次西少陽湯長安志

尚食湯

少陽湯次西尚食湯長安志

宜春湯

尚食湯次西宜春湯長安志宜春湯有前殿後殿臨潼縣志

月華門

宜春湯又西曰月華門臨潼縣志

筓殿

月華門之內有筓殿

臨潼縣志

殿側有魏溫泉堂碑其石瑩徹

見人形影宮中號玻璃碑

雍錄

長湯

筓殿北有長湯十六所

臨潼縣志

宮內除供奉兩湯外而內外

更有十六所長湯每賜諸嬪御其修廣與諸湯不侔楚以文瑤密石中央有玉蓮捧湯泉噴以成池又縫綴錦繡為鳬鴈致于水中

上時於其間泛銀鑊小舟以嬉游焉

津陽門詩注

芙蓉湯 一名海棠湯在蓮花湯西沉埋已久人無知者近脩築

始出石砌如海棠花俗呼為楊妃賜浴湯豈以海棠睡未足一言

而為之乎

臨潼縣志

七聖殿 芙蓉湯北有七聖殿

臨潼縣志

自神堯至睿宗昭成肅明皇

皆立衣衾衣統殿石榴皆太真所植南有功德院其間瑤壇羽帳

皆在焉順興影堂果老藥室亦在禁內

長安志

宜春亭 在開陽門外

雍錄

重明閣 今四聖殿北臨高有重明閣倚欄北瞰縣境如在諸掌

閣下有方池中植蓮花池東鑿井每盛夏極甘冷邑人汲之

長安志

四聖殿 重明閣之南曰四聖殿殿東有怪栢

雍錄

長生殿 齋殿也有事于朝元閣即齋沐此殿山城內多馴鹿有

流澗號鹿飲泉金沙洞玉藥峰皆元宗名洞居殿之左玉藥山

上有王母祠

長安志

朝元閣 在北山嶺之上基趾最為嶄絕次東即長生殿故基

賈氏

談錄天寶七載十二月元元皇帝降於朝元閣改為降聖閣

冊府元龜朝

元閣一統志云在驪山唐建遺趾尚存杜常詩曰朝元閣上西風

急都入長陽作雨聲

潛確類書

老君殿 朝元閣南有老君殿玉石為像製作精絕

長安志

鐘樓 在朝元閣之東

雍錄

明珠殿 長生殿之南近東也

雍錄

觀風樓 此時上御觀風樓水光山影相參差

津陽門詩

樓在宮外東

北山屬夾城而連於內前臨馳道周視山川

津陽門詩注

闕雞殿 在觀風樓之南

雍錄

按歌臺

在關隄殿之南臺南臨東繚牆錄

舞馬臺

在關隄殿之北長安志

毬塲

宜春亭之北門外曰毬塲其西曰小毬塲長安志

連理木丹霞泉

在朝元閣之南錄

羯鼓樓

在朝元閣東近南繚牆之外長安志

龍躍宮

唐高祖舊宅在高陵縣西十四里武德六年以奉義宮改

建高祖其先本成紀人後魏時王大父熙為金門鎮將戍武川因

家焉祖虎伐魏有功封唐國公父昞襲爵生高祖於長安則龍躍

宮或昞別宅抑或高祖離宮乎德宗改為修真觀中有神堯御容

及御井霜柏梁開平中廢但龍泉寺在其旁或因是而名今其地

稱李觀所存乃臥龍寺雍勝

游龍宮

在渭南縣西十一里唐開元中修按兩京道里記云取

龍飲渭名之白樂天有黑龍飲渭賦武平一登驪山詩有日下黑

龍川句亦謂此也

雍勝

九成宮

鳳翔府麟遊縣西五里有九成宮本隋仁壽宮貞觀五年

復置更名永徽二年曰萬年宮乾封二年復曰九成宮周垣千八

百步並置禁苑及府庫宮寺

唐書地理志

宮本隋仁壽宮文帝以避暑

終於此太宗欲以奉高祖高祖惡之不往貞觀五年太宗自修繕

以避暑

錄

咸亨四年九成宮太子新宮成上召五品以上晏太子

宮極歡而罷

舊唐書高宗本紀

永安宮

貞觀八年置在麟遊縣西

錄

玉華宮

在坊州宜君縣北四里鳳凰谷貞觀二十年置永徽二年

廢為寺

唐書地理志

太宗建玉華宮於坊州宜君縣之鳳凰谷宮既成

正門謂之南風門殿覆瓦餘皆葺之以茅帝以意在清涼務從儉

約匠人以爲營焉峻谷元覽遐長於是疏泉抗殿包山通苑皇太子所居南風門之東正門謂之嘉禮門殿名暉和殿其官曹署寺並皆創立微事營造庶物亦擾市取供而折番和僱之費以巨億計矣及帝遊幸勅奉御王孝積於顯道門內起紫微殿十三間文甃重基高敞宏壯帝見之甚悅刪府元龜初有九殿五門而可記其名與處者六其正殿爲玉華其上爲排雲又其上爲慶雲其正門爲南風南風之東爲太子之居其殿曰耀和門曰嘉禮知其名失其處者一曰金飈門也其西珊瑚谷嘗有別殿存焉雍勝畧

仁智宮 武德七年造在宜君縣雍錄武德七年避暑仁智宮唐書帝挺傳

興德宮 在馮翊縣南三十二里義旗將趣京師軍次於忠武園因

置亭子名興德宮屬家令寺元和志

慶善宮 本名武功高祖舊第也在武功縣渭水北太宗誕生於此

貞觀六年改慶善宮

錄

貞觀六年太宗幸慶善宮宴從臣於渭濱

上賦詩賞賜閭里有同漢之宛沛焉起居郎呂才播於樂府彼之

管絃名曰功成慶善樂

會要

神臺宮

華州鄭縣東北三里有神臺宮本隋普德宮咸亨二年更

名

地理志

瓊岳宮

華陰縣西十八里有瓊岳宮故隋華陰宮顯慶三年更名

地理志

唐宮闕附考

紫微殿

貞觀末阿史那社爾平龜茲獻俘於此殿

長安

志

○金波門

貞觀二十二年勅皇太子聽政於金波門長樂

殿

長安志

○中和殿

長慶四年二月擊鞠於中和殿

唐書敬宗本紀

○

咸泰殿

開成中正月望夜帝御咸泰殿然鐙作樂迎三宮太

后奉觴進壽

唐書蕭后傳

○永安殿

穆宗置也與后妃公主宴樂

所長安志 ○會昌殿 文宗太和四年幸黎園會昌殿實錄 ○保寧

殿 昭宗宴李繼昭等於保寧殿親製成功曲以褒之長安志 ○

清思殿 長慶四年四月擊鞠於清思殿唐書敬宗本紀 ○宣和殿

寶曆二年九月觀百戲於宣和殿敬宗本紀 ○文思殿 龍朔元年

命賓客許敬宗等即文思殿集瑤山玉彩唐書太子弘傳 ○昭德殿

龍紀元年殿東偶獲金龍長安志 ○雲韶殿 此殿嘗考試舉

人長安志 ○昭敬殿 唐一十八帝御容在也昭宗光化三年有

禿鷲鳥鳴於此殿蓋唐祚將終之兆也長安志 ○清思院 寶曆

中造清思院用銅鏡三千薄金十萬餅唐書薛敬老傳 ○內山亭院

取浙西隱士於內山亭院安置長安志 ○仙韶院 文宗開成三

年改法曲所處為仙韶院唐書百官志 ○望仙臺 武宗時命神策

軍士修望仙樓及廊舍五百間大中八年改為文思院長安志 ○

崇元館 天寶中明皇命周尹愔爲崇元館學士值祿山兵亂

館宇寔廢至武宗時詔營創置吏鑄印以劉元靜爲崇元館學

士號廣成先生入居靈符殿長安志 ○乞巧樓 光化三年起造

二樓構飛橋以通往來長安志 ○光政門景運門命婦朝堂文成

殿元莫觀含寧殿玉清殿竹樓柿林院臨碧殿壽昌殿元和殿

宣光殿宣明殿臨光殿興泰殿德政殿嘉慶殿凝化殿元化門

晨暉門寶慶殿百尺樓昭德門昇陽殿延嘉門景風門東殿放

鴨池野狐落大和殿宣徽殿文思殿含春亭歡武樓延資庫咸

寧殿靈臺殿永安宮孝明鄭太后所居左齊藏天諸庫章信門

安喜門思元門應乾門紫延院壽春殿延喜樓長樂樓以上俱見長安志

志

